



太平御覽卷第七百九十二

四夷部十五

西戎一

總序西戎

于闐

天竺一

總序西戎

易曰高宗伐鬼方三年克之

書曰西戎卽敘

詩曰在其板屋亂我心曲

又曰自彼氐羌莫敢不來王

太平御覽 卷七百九十二

爾雅曰西至於郿國

又曰西至日所入爲太蒙卽蒙沈也太蒙之人信

禮曰西方曰戎披髮衣皮有不粒食者矣

左傳曰辛有過伊川見披髮而祭於野曰不及百年此其

戎乎其禮先亡矣

又曰秦晉遷陸渾之戎於伊川


漢書曰西域以孝武時始通本三十六國其後稍分至五

十餘皆在匈奴之西烏孫之南南北有大山中央有河東

西六千餘里南北千餘里東則接漢阨以玉門陽關西則

限以葱嶺

又曰出陽關自近者始曰婁羞婁音而婁羞國王號去胡來



太秦

龜茲

王言去離吳玖附漢也

又曰漢武帝正和中貳師將軍李廣利以軍降匈奴帝既悔遠征伐而搜粟都尉桑弘羊與丞相御史奏言故輪臺

以東漢捷枝渠犁皆故國地輪臺渠草地名今在交河北庭界廣饒水草有

溉田五千頃以上處溫和田美可益通溝渠種五穀與中

國同時熟田一歲有積穀募入壯健有累種敢徙者詣田

所累軍謂妻于家屬也就畜積為本業益懇溉田稍築列亭連城

而西帝深陳既往之悔乃下詔曰前有司奏欲益人賦三

十助邊用每口轉輸三十錢也是重困老弱孤獨也由是不復出軍

而封丞相田千秋為富人侯以明休息思富養人也

後漢書曰西羌之本出自三苗蓋羌姓之別其國近南嶽

太平御覽 卷七百九十二 一

及舜流四凶徙之三危河關之西南荒地是也濱於賜支

至於河首縣地千里賜支者禹貢所謂析支者也南接蜀

漢所居無常依隨水草地少五穀以產牧為業其俗氏族

無定或以父母姓為種號十二世後相與婚姻父沒則妻

後母兄亡則納娶嫂寡嫂曰養故國無鰥寡種類繁熾不立君

臣無相長一強則分種為酋豪弱則為人附落更相抄暴

以力為雄殺人償死無他禁令其兵常在山谷短於平地

不能持久而果於觸突以戰死為吉利病終為不祥堪

耐寒苦同之禽獸雖婦人產子亦不避風雪性堅固勇猛

得西方金行之氣焉王政修則賓服德教失則寇亂

又曰昔夏后氏太康失國四夷背叛及后相即位乃征畝

夷七年然後來賓

又曰武乙暴虐犬戎寇邊周公踰梁山而避於岐下及子季歷遂伐西落鬼戎

又曰文王爲西伯西有昆夷之患北有獫狁之難遂穰戎狄而戍之莫不賓服

又曰穆王時戎狄不貢王乃西征犬戎獲其五王又得四白鹿四白狼王遂遷戎于太原

又曰平王之末自隴山以東及乎伊洛往往有戎於是渭首有狄獯邽冀之戎涇北有義渠之戎洛川有大荔之戎渭南有驪戎伊間有楊拒泉臯之戎潁首以西有蠻氏之戎

太平御覽

卷七百九十二

三

又曰晉文公欲修霸業乃賂戎狄邇道以匡王室秦穆公得戎人由余遂霸西開地千里

又曰陸渾之戎叛晉合荀吳滅之楚執蠻氏而盡囚其民又曰周真王八年秦厲公滅大荔取其地趙亦滅代戎卽北戎也韓魏復墳攻稍并伊洛陰戎滅之其遺脫者皆逃奔西踰汧瀧自是中國無戎寇

後漢書曰武帝時西域內屬有三十六國漢爲置使者校尉領護之宣帝改曰都護元帝又置戊己二校尉屯田於

車師

漢官儀曰戊己中央鎮

哀平間自相分割爲五十五

國

又曰建武中西羌皆遣使求內屬願請都護世祖以天下

初定未遑外事訖不許之

又曰明帝命將北征匈奴取奴伊吾廬地置宜禾都尉以屯田遂通西域于闐諸國皆遣子入侍

又曰建初元年春清泉水守段彭大破車師於交河城章帝不欲疲弊中國以事夷狄乃迎還戊己校尉不復遣都護二年復罷屯田

又曰和帝永元三年班超遂定西域因以超爲都尉治之復置戊己校尉領兵五百人治車師

又曰六年班超復擊破焉耆於是五十餘國至于海濱四萬里外重譯貢獻

又曰九年班超遣椽甘英窮臨西海而還皆前世所不至太平御覽

卷七百九十二

四

山經所未詳莫不備其風土傳其珍怪焉於是遠國蒙古犍勒皆來歸服

班固西域論曰孝武之代圖制匈奴患其兼從西國結黨

南羌

從音于  
容反

乃表河西列四郡開玉門通西域以斷匈奴

右臂隔絕南羌月氏單于失援由是遠遁而幕南無王庭因文景立默養人五代天下豐富財力有餘士馬強盛故能賭屏布璫瑁則建朱崖七郡惑枸醬竹杖則開牂牁越嶲聞天馬蒲陶則通大宛安息自是之後萬里相奉師旅之費不可勝計至於川度不足乃權酒酤筦鹽鐵鑄白金造皮幣算至車舡租及六畜力屈財竭因之以凶年羣盜並起是以末年遂棄輪臺之地而下哀痛之詔豈非仁聖

之所悔哉且西域近有龍堆遠則葱嶺身熱頭痛懸度之  
阨淮南杜欽楊雄之論皆以爲此天地所以界別區域絕  
外內也書云西戎卽序禹就而序之非止威服致其貢物  
也

魏徵隋書西戎論曰自古開遠夷通絕域必因宏放之士  
皆起好事之臣張騫鑿空於前班超投筆於後或結之以  
重寶或攝之利劍投軀萬死之地以立一朝之功皆由主  
尙來遠之名臣殉輕生之節是知上之所好下必有甚焉  
者也煬帝規摹宏侈掩吞秦漢裴矩方進西戎圖記以蕩  
其心故萬乘親出玉門關置伊吾且未而關右暨於流沙  
騷然無聊生矣古哲王之制方五千里務安諸夏不事要  
太平御覽 卷七百九十二 五

荒豈威不能加德不能被蓋不以四夷勞中國不以無用  
害有用也是以秦成五嶺漢事三邊或道殣相繼或戶口  
減半隋室恃其強盛亦狼狽於青海此皆一人失其道故  
億兆罹其毒也

說文曰羗西婁羗戎牧羊人從人牧羊

漢書曰出陽關自近者始曰婁羗國王號去胡來王去陽  
關千八百里去長安六千三百里西接且未隨畜逐水草  
田不作仰鄯善且末穀山有鐵自作兵有兮矛服刀劍甲

劉德曰服刀拍解也師古  
曰拍音貂解音俾又音陞

鄯善

漢書曰鄯善國本名樓闐王治扞泥城輔國侯却胡侯鄯

善都尉擊車師都尉左右且渠擊車師君各一人譯長二人

又曰鄯善地沙鹵少田寄田仰穀旁國國出玉多葭葦檉

柳胡桐白草

孟康曰白草草之白者胡桐似桑而多曲師古曰胡桐淚可以汗金銀今工匠皆凡之

民隨畜收逐水草有驢馬多橐它

又曰武帝遣從票侯趙破奴將屬國騎及郡兵數萬擊姑師盧樓蘭玉破姑師於是漢列亭障至玉門矣

又曰樓蘭最在東垂近漢當白龍堆乏水草常主發導負水僭糧送迎漢使

又曰元鳳四年大將軍霍光白遣平樂監傅介子往刺其

王介子輕將勇敢士齎金幣揚言以賜外國爲名既至樓

太平御覽

卷七百九十二

六

蘭給其王欲賜之王喜與介子飲醉將其王屏語壯士二

人從後刺殺之貴人左右皆散走介子告諭以王負漢罪

天子遣我誅王當更立王弟尉屠耆在漢者漢兵方至毋

敢動自令滅國矣介子遂斬王嘗歸首

嘗歸者其王名也

馳傳詣

闕懸首北關下封介子爲義陽侯乃立尉屠耆爲王更名

其國爲鄯善爲刻印章賜以宮女爲夫人備車騎輜重丞

相將軍百官送至橫門外祖而遣之

北史曰鄯善城方一里地多沙鹵少水草地卽白龍堆路

後魏孝文太和四年遣其弟素逆耆入侍

于闐

漢書曰于闐國王治西城去長安九千六百七十里于闐

之西水皆西流注西海其東流注鹽澤河源出焉多玉石後漢書曰于闐國去洛陽萬一千七百里漢武帝末莎車王賢盛強攻并于闐從其王俞林爲驪歸王明帝永平中于闐將休莫霸反莎車自立爲于闐王休莫霸死兄子廣德立後遂滅莎車其國轉盛

北史曰于闐國在葱嶺之北二百餘里所都城方八九里城東三十里有首拔河中出玉石土宜五穀并桑廂山多美玉有好馬駝騾其刑法殺人者死也

又曰于闐俗多佛法寺塔僧尼甚衆王尤信尙每設齋日必親自洒掃饋食焉城南五十里有贊摩寺卽昔羅漢比巨盧轉爲真王造覆瓮浮圖之所石上有辟支佛跣處又足跡猶有西有其摩寺云是老子化胡成佛之所

太平御覽

卷七百九十二

又曰于闐城東二十里有大永北流號樹枝水卽黃河也又曰後魏文獻末蠕蠕寇于闐于闐患之遣使素月伽上表求救帝詔以遐阻不行

又曰後周武帝建德三年其王遣使獻名馬隋大業中頻遣朝貢其王姓王字早示門練錦金鼠冠妻戴金花其王髮不令人見俗言若見王髮其年必險

梁書曰武帝天監十二年王遣使獻婆羅婆步障十八年獻瑠璃鬘

唐書曰其國出美玉王姓尉遲名屋密貞觀六年遣使獻玉帶太宗優詔答之

後漢書曰大秦國一名黎鞬在海西地方數千里以石爲城郭列置郵亭堊堊之

又曰民俗力田蠶柔皆髡頭而衣文繡乘輜駟白蓋小車出入擊鼓建旌旗幡幟

又曰王宮室皆水精爲柱食器亦然

又曰其人民皆長大平正有類中國故謂之太秦國多金銀奇寶有夜光壁明月珠駭雞摩珊瑚琥珀琉璃瑯琊織成金鏤蜀雜色綾作黃金塗火浣布

又曰會合諸香剪其汁以爲蘇合以金銀爲錢銀錢當十金錢一

太平御覽

卷七百九十二

八

又曰桓帝延熹九年太秦王安敦遣使自日南徼外獻象牙犀角瑋瑁始一通焉

又曰其國無盜賊而道多猛獅子遮害行旅不百餘人齎兵器輒爲所食又有飛橋數百里可度海

魏畧曰其國中央九色坎玉石一曰青二曰赤三曰黃四曰白五曰黑六曰綠七曰紫八曰紅九曰紺神龜朱鬣馬立熊赤白黑黃青綠紺縹紅紫十種

通典曰國之西南漲海中可七八百里行到珊瑚淵水底有盤石珊瑚生其上太秦人常乘大船載鐵網令工沒先入視之可下網乃下初生白而漸漸似菌生紅中歷歲許出網目間變作黃色枝條交錯高極三四尺大者圍盡餘

三年色乃赤好後沒視之知可採便以鐵鈔發其根乃以  
絲繫網使人於船上絞車舉之去其國圍理載恣意所作  
若失時不舉便盡敗

龜茲

北史曰龜茲國在尉犁西北白山之南一百七十里王姓  
白卽後涼呂光所立白震之後其王頭繫綵帶垂之於後  
坐金獅子床

又曰出細氈鏡銅鐵鉛麻皮氈毼氍毹沙監綠雄黃胡粉安  
息香等

又曰其國北太山中有如膏者流出成川行數里入地狀  
如醞醐服之髮齒已落者能令更生癘人服之皆愈

太平御覽

卷七百九十二

九

唐書曰龜茲有城郭男女皆剪髮垂與項齊唯王不剪髮  
以錦蒙項者錦袍金寶帔坐獅子床有良馬封牛饒蒲萄  
酒

又曰貞觀四年遣使來獻馬太宗賜以璽書撫慰甚厚自  
此朝貢不絕

又曰貞觀二十年太宗遣左饒衛大將軍阿史那杜爾安  
兩都郭護孝恪率五將軍發鐵勒十三部兵以伐龜茲擒  
其王及大將羯獵顛等并破其大城五所虜男女數萬口  
勒石紀功而旋俘其王訶黎布失畢反郝利羯獵顛等獻  
於社廟尋以訶黎布失畢爲左武翌衛中郎將郝利以下

授官各有差

又曰先是太宗既破龜茲移置安西都護府於其國城以郭孝恪爲都護兼統于闐疎勒碎葉謂之四鎮高宗嗣立不欲廣地勞人復命有司棄龜茲等四鎮移安西依舊西州

又曰長壽元年武威軍總管王孝傑阿史那忠節大破吐蕃克復龜茲于闐等自此復于龜茲置安西都護府用漢兵三萬人以鎮之則天時有田楊名中宗時有郭元振開元初則張孝嵩杜暹等爲安西都護皆有政績爲夷人所伏

天竺

後漢書曰天竺國一名身毒在月氏東南數千里卑濕暑熱其國臨大水乘象而戰修浮圖道不殺伐遂以成俗出象犀瑇瑁金銀諸香石密黑鹽等

又曰明帝夢見金人長大頭有光以問羣臣或曰西方有神名佛其形長丈六尺而黃金色帝於是遣使之天竺問佛道法遂於中國圖畫形像焉

南史曰梁天監初王來貢獻王有髻髻於頂餘剪之穿耳垂瑤俗多徙跣衣重白色有文字或善天文算歷之術其人皆學悉曇章書於貝葉樹之

北史曰天竺國去代三萬一千五百里有伏醜城周匝十里城中出摩尼珠珊瑚城東三百里有稽賴城城中出黃金白直檀赤檀石蜜

唐書曰中天竺其都城周回七十餘里北臨禪連河云昔有婆羅門領徒千人肄業於樹下樹神降之遂爲夫婦宮室自然而立僮僕甚盛於是使役百神築城以統之經宿而就此後有阿育王頗行苛政置炮烙之刑謂之地獄今城中見有迹焉

又曰武德中其國大亂其嗣王尸羅逸多練兵聚衆所向無敵象不解鞍人不釋甲居六載而四天竺之君皆北面以臣威勢遠振政刑甚肅貞觀十五年尸羅逸多自稱摩伽陁王遣使朝貢太宗降璽書慰問尸羅逸多大驚問諸國人自古有摩訶振且使人至吾國乎皆曰未之有也乃朝拜而受詔書因遣使朝貢太宗以其地遠禮之甚厚復遣衛尉丞李義表報使尸羅逸多遣大臣郊迎傾都邑以縱觀焚香夾道逆多率其臣下東面拜受敕書復遣使獻大珠及鬱金香菩提樹

又曰貞觀十年沙門玄奘至其國將梵本經論六百餘部而歸先是遣右率府長史王玄策往使天竺其四天竺王咸遣使朝貢會中天竺王尸羅逸多死國中大亂其弟阿羅那順篡立乃盡發胡兵以拒玄策玄策戰不敵乃拔身宵遁走至吐蕃發精銳千二百人并至婆羅國七千餘騎以從玄策與副使蔣師仁率二國兵進至中天竺國城連戰三日大破之斬首三十萬級赴水溺死者具萬人阿羅那順棄城而遁師仁進兵擒獲之虜男女萬二千八牛

馬三萬餘頭正於是天竺震懼俘阿羅那順以歸二十二  
年至京師太宗大悅命有司告宗廟因謂羣臣曰夫人耳  
目玩於聲色口鼻耽於臭味此乃敗德之源若婆羅門不  
劫掠我使人豈爲俘虜耶昔中山以貪寶取斃蜀侯以金  
午致滅莫不由之拜立策朝散大夫是時就其國得方郝  
羅邇溲寐自言壽二百歲云有長生之術太宗深加禮待  
館之於金鷄門內造延年之藥令兵部尙書崔敦禮鹽主  
之發使天下採諸奇藥藥成竟服不效後放還本國  
又曰開元八年南天竺國遣使獻五色能言鸚鵡

異物志曰天竺大國也方三萬里佛道所由具國王治城  
郭宮殿皆刻文鏤鐘鼓音樂跳丸躍劍

太平御覽

卷七百九十二

七

通典曰後魏宣武時南天竺國遣使獻駿馬云其國出獅  
子羆有火齊如雲母而色紫列之則薄如蟬翼種之則如  
紗縠之重杳有剛金似紫石英百鍊不銷可以攻玉

太平御覽卷第七百九十三

四東部十四

西戎二

劉賓 條支 安息 大月氏

大宛 疎勒 康國 副貨

安國 烏菴 烏邨曷 渴槃陁

鉢和 大夏 米國 鄧至

安息 乙佛獻 伏盧尼 石國

宕昌 鍛汗 色和顯 伽色尼

白蘭 乾陀 史國 師子

穆國 奄蔡 何國 嚙噠

太平御覽 卷七百九十三 一

劉賓

漢書曰劉賓國王治循鮮城去安南萬二千二百里不屬

都護地平溫和有苜蓿雜草花木檀榲梓竹漆種五穀蒲

陶有金銀銅錫有金銀為錢文為騎馬幕為人面師古曰幕即漫也

出封牛水牛皆象大狗沐猴孔雀珠璣珊瑚琥珀璧琉璃

自武帝始通

唐書曰貞觀十六年劉賓國遣使獻褥特鼠喙尖而尾赤

非食蛇有被蛇螫者鼠輒嗅而尿之其瘡即愈

條支

漢書曰條支國臨西海暑濕田宜稻有大鳥卵如甕

後漢書曰條支國城在山上周廻四十餘里臨西海海

水曲環其南及東北三面路絕唯西北隅通陸出獼子犀

牛

### 安息

漢書曰安息國王治番兜城去長安萬一千六百里風氣物類與罽賓同亦以銀為錢文獨為王面幕為夫人面王死輒更鑄錢有大馬大爵其屬小大赦百城方數千里最大國臨內小商賈車船行傍國畫革傍行為書記隋古曰西方胡國書皆橫行不直下也武帝始遣使至安息王令將二萬騎迎於東界去王都數千里行北過數十城民人相屬因發使隨漢使者來觀漢地以大息鳥及卵來獻天子大悅

太平御覽卷之百九十一

二

似麟無角也

北史曰周武天和二年其王遣朝獻

### 大月氏

漢書曰大月氏國治噶氏城去長安萬一千六百里物類民俗與安息同出一對橐駝師古曰脊七出一對也控弦十餘萬故強輕匈奴師古曰恃其強盛而輕易匈奴也至冒頓單于攻破月氏以其王頭為飲器月氏乃遠去過大宛西擊大夏而城之

北史曰大月氏北與蠕蠕接數為所侵遂西徙都薄羅城其王寄多羅勇武遂興師越大山南侵北天竹自乾陁羅以北五國盡屬之後魏大武時其國人商販京師自云能鑄石色琉璃於是採礦山中於京師鋒之既成光澤映於

四方來者乃詔爲殿容百人光大映徹自此中國琉璃遂

異物志日月氏俗乘四輪車或八牛可容二十人王稱天

子

大宛

漢書曰大宛國王治貴山城去長安萬二千五百五十里

以蒲桃爲酒富人藏酒至萬餘石久者至數十歲不敗俗

嗜酒馬耆目宿宛別邑七十餘城多善馬馬汗血言其先

天馬子也

師古曰言大宛國有高山其上有馬不可殺凶  
取五色母馬置其下與集生駒皆汗血因號曰

天馬張騫始爲武帝言之上遣使者持千金馬以請宛善

善馬王不肯於是天子遣貳師將軍李廣利將兵伐宛連

太平御覽

卷七百九十二

三

四年宛人斬其王母寡首獻馬三千匹漢軍乃還

又曰宛王蟬封與漢約歲獻天馬二匹漢使采蒲桃苜蓿

種歸天子以天馬多又外國使來衆蓋種蒲桃苜蓿離宮

館旁極望焉

異物志曰大宛天馬有肉角數寸解人語及知舞與鼓節

相應

西域圖記曰其馬騮馬多白耳白馬驄馬多赤耳彭馬赤

馬多黑耳

疎勒

漢書曰疎勒國王治疎勒城去長安九千三百五十里長

治在世曰耿恭爲戊己校尉引衆入疎勒城中乏水穿井

城內無由得水恭整衣服向井拜飛泉湧出賊遂退

異物志曰疎勒國高宗末其王遣使送釋迦佛袈裟長二丈五尺有餘高宗以審是佛衣應有靈異遂燒之以驗靈寶置於猛火之上經曰不燃觀者莫不悚駭心懼後每使朝貢

隋書疎勒國都白山南百里其王字阿彌厥手足皆六指產子非六指者不育王戴金獅子冠多稻粟麻麥銅鐵銀

雌黃

唐書曰疎勒國王姓裴俗事祕神有胡書文字貞觀九年遣使獻名馬

又曰開元六年玄宗遣使冊立其王裴安定爲疎勒王

太平御覽

卷一百九十三

四

康國

隋書曰康國者康居之後遷徙無常不恆故地然曰漢以來相承不絕其本姓溫月氏人也舊居祁連山北昭武城因被匈奴所破西喻蔥嶺遂有其國支庶各分王故康國左右諸國並以昭武爲生示不忘本也王字代失畢爲人寬厚甚得衆心其妻突厥達可汗女也都於薩寶水土阿祿連城大臣三人共掌國事其王索髮冠七寶金花衣纓羅綿繡白疊其妻有髻幪以帛巾丈夫剪髮錦袍名爲強國而西城諸國多歸之

又曰有胡律置於祇祠決罰則取而斷之重罪者族次重者死賊盜截足人皆深目高鼻多鬚善於商賈諸夷交

易多奏其國有大小鼓琵琶五絃箜篌箛篳婚媵喪制與突厥同國立祖廟以六月祭之諸國皆來助祭俗奉佛爲胡書氣候溫宜五穀勤脩園蔬樹木滋茂出馬駝驢封牛黃金珊瑚砂甘香阿薩那香瑟瑟麝皮氍毹錦疊多蒲桃富家或致千石連年不敗大業中始遣使貢方物後遂絕焉唐書曰康居人多嗜酒好歌舞於道路生子必以蜜納口中以膠置掌內欲其成長口嘗甘言掌持錢如膠之粘物

又曰以十二月爲歲首有婆羅門爲之占星候氣以定吉凶頗有佛法至十一月鼓舞乞寒以水相潑盛爲戲樂

又曰貞觀九年遣佛貢獅子太宗嘉其遠至命秘書監虞太平御覽 卷七百九十二 五

世南爲之賦自此朝貢至十一年又獻金桃銀桃詔令植之於苑圃

又曰萬歲通天子中則天封其大首領篤婆鉢提爲康國王仍拜左驍衛將軍

又曰開元六年遣使貢獻鎖子甲水精杯馬瑙鉞馳鳥卵之類

### 副貨

北史曰副貨國去大唐一萬七千里東至阿富汗國西至沒誰國中問相去一千里南有連山不知名北至阿沙國相去一千五百里國中有副貨城周匝七十里宜五穀蒲桃惟有馬駝驪國王有黃金殿殿下有金駝七頭各高

三尺其王遣使朝貢

書曰安國漢時安息國也王姓昭武氏與康國王同族宇  
護力登妻康國王女也都在那密水南城有五里環以流  
水宮殿皆爲平頭王坐金駝座高七八尺每聽政與妻相  
對次臣三人評理國事風俗同於康國唯妻子姊妹及母  
子遞相禽獸此爲異也煬帝卽位之後遣司隸從事杜行  
滿使于西域至其國得五色鹽而反西百餘里華國可千  
餘家其國餘無君長安國統之大業五年遣使貢獻後遂  
絕焉

北史曰烏菟國

太平御覽

卷七百九十二

六

北史曰烏菟國在陰彌南北有葱嶺南至天竺婆羅門胡  
爲其上族婆羅門多解天文吉凶之數其王動則訪決焉  
土多林菓引水灌田豐稻麥事佛多諸寺塔寺極華麗人  
有爭詠服之以藥曲者發狂直者無恙爲法不殺犯死罪  
唯徙於林山西南有檀特山山上立寺以驢數頭運食山  
下無人控御自知往來

烏那曷

隋書曰烏那曷國都烏許水西舊安息之地王姓昭武亦  
康國種類字佛食都城方二里勝兵數百人王座金羊座  
牀北去安國四里西北去穆國二百餘里東去瓜州七千  
五百里大業中遣使貢方物

渴槃陁

北史曰渴槃陁國在蔥嶺東朱駒婆西河經其國東北流有高山夏積霜雪亦事佛道南於嘍嚩

通典曰渴槃陁後魏時通焉亦名漢陁國亦名渴陁國理蔥嶺中在諸俱婆國西至護密國北至疏勒國其王本疏勒人累代相承居此國有戶二千餘有懸度山在國南四百里懸度者名山也谿谷不通以繩索相引而度其間四百里中往有棧道因以爲各今按懸度蔥嶺麗遙相屬置郵所絕道阻且長故行人由之莫能分別然法明未云所經卽懸度山也又有頭痛山右國西南向蜀寶歷大頭痛小頭痛之山皆赤土

大正御覽

卷七百九十二

七

宋膺異物志曰大頭痛小頭痛山皆渠搜之東疏勒之西經之者身熱頭痛夏不可行行則至死惟冬可行尙嘔吐山有毒藥氣之所爲冬乃桔歌故可行也

鉢和

北史曰鉢和國在渴槃陁西其土尤寒人畜居穴地而處

又曰大雪山望若銀峯其人惟食餅麩飲麥酒服氊裘有二道一道一道西南响嘍嚩一道西南起烏蕞亦爲嘍嚩所屬

大夏

史記曰大夏在宛西南二千餘里媯水南其俗土著有城

屋與大宛同俗無大君長往七城邑寡小其兵畏弱善買  
民多可百餘方其都曰藍市城有市販賣諸物東南有身  
毒國張騫曰臣在大夏時見筇竹杖蜀布問曰安得此大  
夏國人曰吾買人往市之身毒身毒國在大夏東南可數  
千里

米國

隋書曰米國都郟密水西舊康居之地也無王其城主姓  
昭武康國王之支庶字閉拙都城方二里勝兵數百人西  
北去康居百里大業中頻貢方物

鄧至

通典曰鄧至羌之別種也後魏時通焉有像舒者代爲自  
太平御覽 卷七百九十二 八  
水酋師因地名爲號稱至王其地自千亭以東平武以西  
汶嶺以北岩昌以南風土習俗與岩昌同魏恭帝初其主  
檐術因亂來奔周文帝遣兵送遠自後無聞

安息

北史曰安息國在蔥嶺之西都蔚搜城西與波斯相接東  
長安一萬七千五百里周武太和二年其王遣使來獻

乙佛獻

通典曰乙佛獻後魏時聞焉在吐谷渾國有屈海週廻千  
餘里衆有萬落風俗與吐谷渾同然不識五穀唯食魚子  
狀若中國枸杞子或赤或黑西有契翰一部風俗亦同土  
特多狼

伏盧尼

北史曰伏盧尼都伏盧尼城在波斯國北去代二萬七千三百二十里累石爲城東有大河流中有鳥其形似人亦有如橐駝者鳥皆有翼常居水中出水便死城北有云尼山出銀珊瑚琉璃琥珀多獅子

石國

隋書曰石國居藥殺水都城方十餘里其王姓石名泥國城至東南立屋置座於中正月六日七日十五日以王父母燒餘之骨金甕盛之置于牀上巡遶而行散放花香雜菓王率臣下設祭焉禮終王與夫人就別帳臣下以次列坐享罷有粟麥多良馬其俗善戰會貳於突厥射置可汗

太平御覽

卷七百九十三

九

與兵滅之令特勤旬職攝其國事大業五年遣使朝貢其後不復至

宕昌

通典曰宕昌羌後魏時與焉亦三苗之次嗣與先零燒當

平示諸部姓別曰立帥皆有地分不相統攝宕昌卽其一

也俗皆土著居有棟宇其屋織毳牛及飯羊毛覆之無法

令徭賦唯征伐之時乃相屯聚不然則各事生業不相來

往皆衣裘褐牧養羴牛羊豕以供其食俗有蒸報無文字

但取木柴落以記歲時三年一相聚殺牛羊以祭天俗重

虎皮以支送死在梁勤者代爲酋帥得羗毫心乃自稱王

其界自仇池以西千里席水以南北八百里地多山阜部

衆二萬餘落至其孫彌忽如遣使於後魏太武帝拜爲宕昌王七葉孫彌秦皆授南北兩朝封爵後見兩魏令隔承熙未種人企定乃引吐谷渾寇金城後企定寇石門後周武帝天和中詔大將軍固恒討平之以其地爲宕州

鍛汗

隋書曰鍛汗國都嶺慈之西五百餘里古渠搜區也王姓昭武守阿漆都城方四里勝兵數千人王坐金羊牀妻戴金花多朱沙金鐵東去疏勒千里大業中遣使貢方物

色和顯

北史曰色和顯國都色和顯城在患萬斤西方北去代一萬二千里九百四十里地平多五菓

太平御覽

卷七百九十二

十

伽色尼

北史曰伽色尼國都伽色尼城在西萬斤南去代一萬二千里五百里土出鹽多五菓

白蘭

通典曰白蘭羌之別種後周時與焉東北接土谷渾風俗物產與宕昌同周武帝保定元年朝獻使至

乾陀

北史曰乾陀國在烏菟西本名業波嚩嚩所破因改焉好征戰與剽竇闕三年不罷人怨苦之有鬪象七百頭十八乘一象皆執兵仗象鼻縛刀以戰所都城北東南七里有佛塔高七十丈周二百步卽所謂崖離佛圖也

史國

隋書曰史國都獨莫水南十里舊康居之地也其王姓昭武字遜遮亦康國王之支庶也城方二里勝兵千餘俗同康國北去康國二百四十里南去火羅五百里大業中遣使朝貢

獅子

通典曰獅子國東晉時通焉天竺傍國也西海之中延袤二千餘里多出奇寶地和適無冬夏之異五穀隨人所種不須耨節其國舊無人止有鬼神有龍居之諸國商賈來其市易鬼不見其形但出珍寶明其所堪價商人依價取之諸國人聞其土樂因此競至或有停住者遂成大國能

太平御覽

卷七百九十三

十一

馴養獅子遂以為名風俗與婆羅門同而尤事佛法安帝義熙初遣使獻玉佛象象高四尺二寸玉色潔潤形制殊特者非人功歷晉宋代在建康有官寺之高麗南齊又曰宋文帝元嘉五年其王剎利摩訶南遣使貢獻梁武帝大通元年後王迦葉伽羅訶翠耶亦遣使貢獻

穆國

北史曰穆國都烏許河之西亦安息之故地與烏郇為鄰其王姓昭武亦康國王之種類也字阿濫密都城方三里勝兵二千人東北安國五百里去波斯國四十餘里大業中遣使貢方物

奄蔡

通典曰奄蔡漢時通焉而接大秦東南二千里與康居接  
去陽關八千餘里控弦十餘萬土氣溫和臨大澤無涯岸  
多稍公白草民多富至漢改名阿闐郝國後魏時白粟特  
國一名温郝沙  
北史曰何國都郝密水南數里舊是康居地也其王姓昭  
武亦康國王之族類都城方二里勝兵者千入其王坐金  
羊座東去曹國百五十里西去小女國三百里東去瓜州  
六千七百五十里大業中遣使貢方物

太平御覽

北史曰嚙噠國大月氏之種類也亦高車之別種其原出  
太平御覽

卷七百九十三

三

於塞北自金山而南在于闐之西都烏訥水南二百餘里  
去長安一萬一百里其王都拔底延城蓋王舍城也其城  
方十餘里多寺塔皆飾以金寶風俗與突厥畧同兄弟共  
一妻無兄弟者依其多少之數更加帽焉衣服類加以纓  
絡頭皆剪髮其語與蠕高車及胡不同衆可有十萬無城  
也依隨水草以氍爲屋夏遷涼土冬逐煖處其王分其諸  
妻各在別所相去或一二里巡歷而行每月一處冬寒之  
時三月不徙王位不必傳子孫第堪者死便授之其國無  
車輿多駝馬用刑嚴急偷盜無多少皆要斬盜一責十三  
者富家累石爲藏貧者握地而埋隨身諸物皆其置家內  
人能鬪戰西域唐居于闐安息及諸小國三十許皆役屬

之號爲大國

又曰後魏明帝熙平中遣宋雲沙門法力之使西戎求佛  
經時有沙門慧生者亦與俱行正光中還慧生所經諸國  
不能知其本末及山川里數蓋舉者畧云

太平御覽

卷七百九十三

三



不指賦其本末又山川里數蓋舉者畧云

尋魏晉書門慧生亦與俱行正光中還慧生所經諸國

不能知其本末及山川里數蓋舉者畧云

太平御覽卷第七百九十三終

吳興陳杰分校

太平御覽卷第七百九十四

四夷部十五

西戎三

羗無弋

湟中月氏胡

氏

車師

高昌

吐谷渾

波斯

羗無弋

後漢書曰羗無弋爰劍者秦厲公時爲秦所拘執以爲奴不知爰劍何戎之別也後得匹歸而秦人追之急藏於岩穴中得免羗人云爰劍初藏穴中秦人焚之有影象如虎爲其蔽火得以不死既出又與剽女遇於野遂成夫婦女恥其狀被髮覆面羗人因以爲俗遂俱入三河間諸羗

太平御覽

卷七百九十四

一

見爰劍被焚不死怪其神共畏事之推以爲豪河湟間少五穀多禽獸以射獵爲事爰劍教之田畜遂見尊信廬落種人依之者益衆羗人請奴爲無弋爰劍嘗爲奴隸故因名之其后世世爲豪

又曰爰劍曾孫忍時秦獻公初立欲復穆公之迹兵師臨渭首滅狄獯戎忍季父印畏秦之威將其種人部落南出賜支河曲西教千里與衆羗絕遠不復交通其後子孫分別各自爲種任隨所之或爲鸞牛種越巂羗是也或爲白馬種廣漢羗是也或爲參狼種武都羗是也忍及弟舞獨畱湟中並娶妻忍生九子爲九羗無生十七子爲十七種羗之興盛從此起也

又曰忍子研立時秦孝公雄強威服羗戎孝公使太公駟率戎狄九十二國朝周顯王研豪健故羗中號其后爲研種及秦始皇時務并六國以諸侯爲事兵不西行故種人得以繁息

又曰武帝征伐四夷開地廣境北却匈奴西逐諸羗乃渡

河湟築合居塞初開河西列置四郡

酒泉武威張掖敦煌

通道玉門

隔絕羗胡使南北不得交關於是鄯塞亭燧出長城外數

千里

又曰建武九年隗囂死司徒掾班彪上言今涼州部皆有

降羗羌胡被髮左衽而與漢人雜處習俗既異言語不通

教爲小吏黠民所見侵奪窮恚無聊故致反叛夫蠻夷寇

亂皆爲此也舊制益州部置蠻夷騎都尉幽州部置領烏

桓校尉涼州部置護羗校尉皆持節領護懼其怨結歲時

循行問所疾苦又數遣使驛通導動靜使塞外羌夷爲吏

耳目州郡因此可得警備今宜復如舊以明威防世祖從

之卽以牛邯爲護羌校尉

又曰燒何豪有婦人比銅鉗者年百餘歲多智筭爲種人

所信向皆從取計策

又曰龐參以失期敗軍抵罪以馬賢伐領校尉事後遣任

尙爲中郎將羽林緹騎五營子弟三千五百人代班雄屯

三輔尙臨行懷令虞詡說尙曰使君頻奉國命討逐寇誠

三州屯兵二十餘萬棄農桑疲苦役徭而未有功效勞費

曰滋若此出不免誠爲使君危之尙曰憂惶久矣不知所  
如詔曰兵法弱不攻強走不逐飛自然之勢也今虜皆馬  
騎日行數百里來如雨風去如絕絃以步追之勢不相及  
所以曠而無功也爲使君計者莫如罷諸郡兵各令出錢  
數千二十人共市一馬如此可捨甲冑馳輕兵以萬騎之  
衆逐數千之虜追尾掩截其道自窮便民利事大功立矣  
尙大喜卽上言用其計乃遣輕鈔騎擊杜季貢於丁奚城  
斬首四百餘級獲牛馬羊數千頭

又曰順帝永建元年隴西羌種反叛校尉馬賢將七千餘  
人擊之戰於臨洮斬首千餘級皆率種人降進封賢都鄉  
侯自是涼州無事至四年尙書僕射虞詡上疏曰臣聞子

太平御覽

卷七十一九一四

三

孫以奉祖爲孝居上以安民爲明此高宗周宣所以上配  
湯武也禹貢雍州之域厥田惟上且沃野千里穀稼充積

又有龜茲鹽池以爲民利

上郡龜茲縣有鹽官卽雍州之域

水草豐美土

宜產牧牛馬銜尾羣羊塞道北阻山河乘阨據險因渠  
以溉水春河漕

水春卽水碓也

用功省而軍糧饒足故李武皇帝

及世祖築朔方開西河置上郡皆爲此也而遭元元無妄  
之災衆羗內瀆郡縣兵荒二十餘年夫棄沃壤之饒損自  
然之財不可謂利離河山之阻守無險之處難以爲固今

三郡未復園陵單外

園陵謂長安諸園陵也單外謂無守固也

而公卿選懦容

頭過身張解設難但計所費不圖其安宜開聖德考行所

長書奏帝乃復三郡使謁者郭瑛督促徙者各歸舊縣繕

置斥埃而激河浚渠爲屯田省內郡費歲一億計遂令安定北地上羣及隴西金城常儲穀粟令周數年

又曰順帝永和四年以宋機爲并州刺史劉康爲涼州刺史大將軍梁商謂機等曰戎狄荒服蠻夷要服言其荒忽無常而統領之道亦無常法臨事制宜畧依其俗今二君素性疾惡欲分明白黑孔子曰人而不仁疾之以甚亂也况戎狄乎其務安羌胡防其大故忍其小過機等天性虐刻遂不能從到州之日多所擾發五年夏雜種羌等遂反叛攻金城與西塞及湟中雜種羌胡大寇三輔殺害長吏機康並坐徵

又曰自爰劍後子孫支分凡百五十種其九種在賜支河首以西及在蜀漢徼北唯叅狼在武都其五十二種衰少不能自立分散爲附落或絕滅無後或引而遠去其八十種唯燒當種最強勝兵十餘萬其餘大者萬餘人小者數千人更相鈔盜盛衰無常

### 湟中月氏胡

後漢書曰湟中月氏胡其先大月氏之別也舊在張掖酒泉地月氏王爲匈奴奴頓所殺餘種分散西踰蔥嶺其羸弱者南入山阻依諸羌居止遂與共婚姻及驃騎將軍霍去病破匈奴取西河地開湟中於是月氏來降與漢民昔居雖依附縣官而首施兩端其後漢兵戰鬪隨勢強弱被服飲食言語略與羌同亦以父名母姓爲種其大種有七

莊子曰羌人死燔而揚其灰

風俗通曰羌本西戎卑賤者也主牧羊故羌字從羊人因以爲號無君臣上下健者爲豪不能相一種別羣分強者凌弱轉相抄盜男子兵死者以爲吉疾終者謂之方

范曄西域論曰張奐盛稱戎狄一氣所生不宜誅盡流血汗野傷和致妖是何言之迂乎羌雖外患實深內憂若食之不根是養痾於心腹也

又曰昔先王疆理九土判別畿荒知蠻貊殊性難以道御故兵遠諸華薄其貢職唯辭命而已若二漢御戎之方得其本矣

### 氐支

太平御覽

卷七百九十四

五

齊書曰氐陽氐與符氐同出畧陽漢後氐居仇池地百頃建安中有百頃氐王是也

又曰仇池四方壁立自然有樓櫓却敵壯高並數丈有二十二道可攀緣而升東西二門盤道可七里上有岡阜泉源氐于上平地立宮室菓園倉庫無貴賤皆爲板屋土牆所治處名洛谷

又曰宋文帝元嘉十九年龍驤將軍裴方明等伐氐寇仇池

通典曰氐者西戎之別種在黃漢西君長數十而白馬最大或號青氐或號白氐或稱故氐此蓋中國人卽黃服色而名之也土地險阻有銅漆椒蠟等勇悉抵冒命貨而死

利屺之地河一名仇施方百頃四面斗絕數爲邊寇郡縣討之則依固自守其俗語不與中國及羌胡同各自爲姓如中國之姓其服尚青俗能織布善種田畜羊逐馬牛婚六禮知書疏多知中國之語

又曰漢武元封三年氐人反遣兵討破之分從酒泉郡元鳳初復叛遣大鴻臚田廣明討破之

又曰魏武之初諸氐戎叛及令夏侯妙才討之因徙武都之種於秦川以御蜀虜

風俗通曰氐羌抵冒貪饕至死好利樂在山谿本西南夷之別種號曰白馬孝武帝遣中郎將郭昌等引兵征之降服以爲武都郡

太平御覽

卷七百九十四

六

晉華陰令江統徙戎論曰春秋之義內諸夏而外夷狄以其言論不通贄幣不同法俗詭異種類乖殊或居絕域之外山河之表崎嶇險阻之地與中國壤斷土隔不相侵涉賦役不及正朔不加故曰天子有道守在四夷又曰匈奴求守邊塞而侯應陳其不可單于屈膝未央蕭望之議以不臣是以有道之君不攻夷狄也

車師

北史曰車師國一名前部其王居高河城後魏太武真君十一年車師王車夷落遣使進薛直尙書曰臣王僻處塞仰慕天子威德遣使奉獻不空於歲天子降念賜遣甚厚及臣繼立不闕常貢太子垂矜亦不異前世敢緣至恩輒

陳私懇臣國自不得所攻乃經今八歲人庶飢荒無以存活賊今攻臣急甚不能自全遂捨國東奔三分免二卽日已到焉者東界思歸天關幸垂賑救於是下詔撫慰之開焉者倉給之正平初遣子入侍自後每使朝貢

### 高昌

北史曰高昌者車師前王之胡也東西二百里南北五百里四面多大山以其地勢高敵人庶昌盛因名高昌亦云其地有漢時高昌壘故以爲國號東去長安四千九百里漢西域長史及戊己校尉並居於此晉以其地爲高昌郡張軌呂光沮渠蒙遜據河西皆置太守以統之

又曰其國有八城多磧石氣候溫暖厥土良沃穀麥一歲

太平御覽

卷七百九十四

七

再熟定蠶多五菓有草名草刺其上生蜜而味佳出赤鹽其味美復有白鹽其形如玉高昌人取以爲枕貢之中

國

又曰後魏文帝和平六年高昌人立麴嘉爲王嘉字靈鳳金城榆中人遣使獻珠象白異貂裘名馬鹽枕等宣武延昌中以嘉爲持節平西將軍瓜州刺史

又曰後魏孝明熙平中遣使朝貢獻詔曰卿地隔關山境接荒漠頻請朝援徙國內遷雖來誠可嘉於理未協何者彼之吐庶是漢魏遺黎自晉氏不綱因難播越成家立國積已久惡徙重遷人懷戀舊今若勤之恐異同之變爰在肘腋不得便如來表也

又曰後魏孝明正光元年遣使奉表自以邊遐不習典誥求借五經諸史并請國子助教劉燮以爲博士明帝許之

又曰其國至隋城周廻一千八百四十步於坐室盡魯哀公問政於孔子之象

又曰服飾丈夫從胡法婦人裙襦頭上作髻文字亦同華夏兼用胡書有毛詩論語孝經置學宮弟子以相教授雖習讀之而皆爲胡語賦稅則計田輸銀錢無者輸麻布

又曰隋大業四年遣使貢獻帝待其使甚厚明年伯雅來伯雅高昌國王名也因從擊高麗還尙宗室女華容公主八年冬歸

蕃下今國中曰先者以國處邊荒境被髮左衽今大隋統

太平御覽

卷七百九十四

八

御宇宙平一孤旣沐浴和風庶均大化其庶人以上皆宜解辮削袿帝聞而善之下詔曰光祿大夫弁國公高昌王伯雅本自諸華世祚西壤昔因多難剪爲胡服自我皇隋平一宇宙伯雅喻沙忘阻奉貢來庭削曳裙變夷從夏可賜衣冠仍頒製造之式

唐書曰高昌有草名白疊其實類繭國人採之織以爲布又曰武德七年其王文泰又獻狗雌雄各一高六寸長尺餘性甚慧云本出拂菻國中國有拂菻狗自此始也

又曰太宗嗣位復貢玄狐裘因賜其妻宇文氏花鏤一具宇文氏復貢玉盤

又曰貞觀四年冬宇文氏請預宗親詔賜李氏封長樂公

主書下詔慰諭之

又曰貞觀十三年文泰稱疾不朝太宗命侯君集爲交河道大總管率左屯衛大將軍薛萬均及突厥契苾之衆步騎數萬衆以擊之攻拔其城虜男女七千餘口文泰惶懼病如子智盛歸立出城降君集先是其國童謠云高昌兵馬如霜雪漢家兵馬如日月日月照霜雪迴首自消滅文泰使人捕其初唱者不能得君集等遣使告捷太宗大悅宴百僚班賜各有差四放高昌部內欲以高昌爲州縣特進魏徵諫以爲不便太宗不從遂以其地置西州又置安西都護府留以鎮之

吐谷渾

大正御覽

卷七百九十四

九

後魏書曰吐谷渾慕容氏者本遼東鮮卑徒河涉歸子也涉歸有二子長曰吐谷渾少曰若洛廆代統部落別爲慕容氏渾與洛廆二部馬鬪相傷洛廆怒謂渾曰何不分部令相遠渾曰馬是畜耳而何怒及人求別甚易今當去汝萬里之外廆悔謝留之渾曰先公之世卜筮當有二子享福並留子孫我是卑庶理無並大今以馬致隔天所啟也試驅馬令東若還東我當有時卽命擁馬皆悲鳴西走遂西渡隴止于甘松之南廆追悔之作吐谷渾河干歌徒河以兄爲河干也遂依水草廬帳而居以肉酪爲糧渾死其后以吐谷渾爲氏

又曰豺立自號沙州刺史部內有黃沙周迴數百里不生

草木因號沙洲

梁書曰武帝天監十三年其王休運等遣使獻金裝瑪腦  
鍾二口又表於益州立九層佛寺詔許焉十五年又遣使  
獻赤舞龍駒及方物

隋書曰其王以皂爲帽妻戴金花其器械衣服畧與中國  
同其王公貴人多戴羃羅婦人裙襦辮髮綴以珠貝國無  
常稅殺人乃盜馬者死餘坐則徵物贖罪風俗頗同突厥  
有大麥粟豆青海周迴千餘里中有小山其俗至冬輒放  
牝馬於其上得龍種吐谷渾嘗得波斯草馬放入海因驄  
駒能日行千里故時稱青海驄焉

又曰開皇十六年以光化公主妻吐谷渾王伏允上表欲

太平御覽

卷七百九十四

十

稱公主爲天后上不許

唐書曰隋煬帝時其王伏允東犯塞煬帝親總六軍以討  
之伏允以數十騎潛於泥嶺而遁其仙頭王率男女十餘  
萬口來降煬帝立其質子順爲王送之本國

又曰貞觀九年詔持進李靖爲西海道大總管時伏允太  
子順欲因此立功由是遂降乃詔曰吐谷渾擅相君長竊  
據荒裔志在凶德政出權門曾渠攜貳種落怨憤長惡不  
悛野心彌熾莫願藩臣之禮會無事上之節僭竊疆場虔  
劉兆庶積惡旣稔天亡有徵朕君臨四海含有萬類一物  
失所責深在余所以爰命六軍申茲九伐義存活國情非  
贖武其于大寧王慕容順隋氏之甥志懷明悟長自中土

幸慕華風爰見時機深識逆順以其懷諫違衆獨陷迷途遂誅邪臣存茲大計翻然改徹代父歸罪忠孝之美深有可嘉子能立功足以補過既往之釁特宥原免然其建國西鄙已歷年代既從廢絕情所未忍繼其宗祀允歸合嗣可封順爲西平郡王

又曰吐谷渾自晉永嘉之末始西度洮水建國於郡羌之故地至龍朔三年爲吐蕃所滅

### 波斯

北史曰波斯國都宿利城在忸密西古條支國也去代二萬四千二百二十八里城方十里戶十餘萬河經其城中南流土地平坦出金鋤石珊瑚琥珀車渠馬腦多大真珠

太平御覽

卷七百九十四

十一

玻梨瑠璃水精琴瑟金剛火齊鑛鐵銅錫朱砂水銀綾繇壘毳毼毼亦藤皮及爵金蘇合青木等香胡椒葦撥石蜜千年棗香附子訶梨勒無食子鹽綠雌黃等物氣候暑熱家自藏水地多砂磧引水灌溉其五穀及鳥獸等與中夏畧同唯無稻及黍稷土出名馬大驢及駝往往有一日能行七百里富室至有數千頭又出白象獅子大鳥卵有

鳥形如橐駝有兩翼飛而不能高食草與肉亦能噉人其王姓波氏名斯坐金羊牀戴金花冠衣綿袍織成帔飾以珍珠寶物其俗丈夫剪髮戴白皮帽貫頭衫亦有巾帔緣以織皮錦婦女之服飾以金銀仍貫五色珠絡之於膊上其國內別有小牙十餘所猶中國之離宮也每年四月出

游處之十月乃還王卽位以後擇諸子內賢者密書其名封之於庫諸子及大臣皆莫之知也王死衆乃共發書視之其封內有名卽立以爲王餘子出各就邊任兄弟更不相見也國人號王曰醫囀妃曰防步率王諸子曰殺也又曰其刑法重罪懸諸竿上射殺之次則繫獄新王立乃釋之賦稅則准地輸銀錢

又曰其俗以六月爲歲首尤重七月七日十一月一日其日人庶以上各相命名設會作樂

又曰後魏孝明神龜中其國遣使上書貢物云大國天子天之所生願日出處常爲漢中天子波斯國王居和多千萬禮拜朝廷嘉納之自此每四朝獻

太平御覽

卷一百九十四

三

唐書曰波斯伊嗣侯遣使獻一獸名活禱蛇形類鼠而色青身長八九寸能入穴取鼠

又曰龍朔元年詔遣龍州南田縣令王名遠充使西域分置州縣因列其地疾陵城爲波斯都督府授其王卑路斯爲都督是後數遣使貢獻咸享中卑路斯自來入朝高宗甚加恩賜拜右武衛將軍儀鳳三年令吏部侍郎裴行儉將兵冊近卑路斯爲波斯王行儉以其路遠至安西碎葉而還卑路斯獨返不得入其國漸爲大食所侵客於吐火羅國二十餘年有部落數千人後漸離散至景龍二年來

入朝拜爲左威衛將軍無何病卒其國遂滅而部衆猶存自開元七年至天寶六載凡十遣使來朝并獻馬腦牀九

年四月獻火毛繡舞筵無孔真珠等

太平御覽

卷七百九十四

三



太平御覽卷第七百九十四終

儀徵畢貴生分校

四夷部十六

西戎四

烏孫

悅般

迷密

黨項

焉耆

小氏月

拂菻

吐火羅

泥婆羅

大食

烏孫

史記曰烏孫國在大宛東北行可二千里隨時畜牧與匈奴俗同

奴俗同

漢書曰烏孫國多馬富人至四五千疋民貪狼無信多寇

太平御覽

卷七百九十五

一

盜最為強國

北史曰烏孫居赤谷城在龜茲西北去代一萬八百里其

國數為蠕蠕所侵西徙葱嶺山中無城郭隨畜牧水草後

魏太延中遣使者董琬等使其國後每來朝貢

通典曰烏孫漢時國號大昆彌理赤谷城

烏孫於西形最異城諸戎之地

其人其人青眼赤髮獼猴木其種謂王曰昆彌亦曰昆莫

去長安八千九百里內五千

里莽平多雨寒山多松楠不田作種樹隨畜逐水草與匈奴同俗

奴同俗

又曰烏孫昆莫昆彌皆王號也故烏孫國有塞種大月氏

種始張騫言烏孫本與大月氏共在燉煌間今烏孫強大

可厚路招令東居故地妻以公主以制匈奴武帝卽位合

齋金幣往賜昆莫於是使使獻馬願尚公主封中遣江  
都王建女細君爲公主以妻焉公主別理宮室居歲時一  
載與昆莫年置酒飲食昆莫年老語言不通公主悲愁自  
作歌曰吾家嫁我兮各天一方遠訖異國兮烏孫王穹廬  
爲室兮墮爲墻以肉爲食兮酪爲漿天子聞而矜憐愴之  
又曰宣帝時都護鄭吉請分烏孫爲大昆彌後段會宗爲  
都護時爲烏孫兵圍騎上書願發城郭燉煌以自救丞相  
王商大將軍王鳳及百寮議數曰不決上召陳湯問對曰  
臣以爲此必無可憂夫胡兵五而當漢兵一刃扎鈍弓弩  
不利今聞頗得漢工然而由三當一又兵法曰客倍而主  
人半然後料敵今烏孫人衆不足以勝會宗惟陛下勿憂  
太平御覽 卷七百九十五 二一

悅般

且兵輕行五十里重行三十里今會宗發城郭燉煌兵歷  
時而至所謂報讐之兵非救急之用也烏孫瓦合不能久  
攻不過五日當有吉語聞居四日軍書至言已解

北史曰悅般國在烏孫西北去代一萬九百三十里其先  
匈奴北單于之部落也爲漢車騎將軍竇憲所逐北單于  
度金微山西走康居其羸弱不能去者往龜茲北地方數  
千里衆可二十餘萬涼州人猶謂之單于王其風俗言語  
與高昌同而其人清潔於胡俗剪髮齊眉以醞酏塗之昱  
然光澤日三澗漱然後飲食其國南界有大山山傍石皆  
漣鎔流地數十里乃疑堅人取以爲藥卽是流黃也與蠕

蠕結好其王嘗將數千人入蠕蠕國欲與大檀相見入界百餘里見其部人不浣衣不紉髮不洗手婦人口舐器物王謂其從臣曰汝曹詎我將我入此狗國中乃馳還大檀遣騎追之不及自是相仇讐數相征討魏太武真君九年遣使朝獻并送幼人稱能割人喉脉令斷擊人頭令骨陷背血出數升或盈斗以草藥內其口中令嚼咽之須臾血止養瘡一月復常又無痕瘢世疑其虛乃取死罪囚試之皆驗云中國諸名山皆有此草乃使人受其術而厚遇之又言其國有大術者蠕蠕凍死漂流者十二三是歲再遣使朝貢求與官軍東西齊契討蠕蠕太武嘉其意命中外諸軍戒嚴以淮南王他爲前鋒龔蠕蠕仍詔有司以其鼓

太平御覽

卷七百九十五

三

舞之節施於樂府自後每朝貢

### 迷密

北史曰迷密國都迷密城在者至拔西去代萬二千一百里後魏正元元年遣使獻一峯里橐駝其國東有山名都悉滿山出金玉多鐵

### 黨項

隋書曰黨項羌者三苗後也其種有宕昌狼白背白稱彌猴種東接臨洮西平西拒棗養南北數千里處山谷間每姓別爲部落大者五千餘騎小者千餘騎織犁牛尾及羶羶羊毛以爲屋服裝褐被氈以爲上飾俗尙武力無法令各爲生業有戰則相屯聚無徭役不相往來牧養犁牛羊

猪以爲供養不知稼穡無文字但推草木以記歲時三年一聚會殺牛羊以祭天人年八十以上死者以爲令終親戚不哭少而死者則云天枉其祭天有琵琶橫吹擊缶爲節

唐書曰黨項羌正古折友之地漢西羌之別種也魏晉之後西羌微弱或臣中國或竄山野自周氏滅宕昌鄧至之後黨項始強其界東至松州西接葉護南雜春桑迷桑等羌山連吐谷渾處山谷間延百三十里其種每姓別爲部落一姓之中復爲小部落大者萬騎小者千騎不相統一有細封天費德氏頗超氏野辭氏米擒氏拓拔氏最爲強族俗皆土著居有棟梁其屋織犁毛及羊毛覆之每年一

太平御覽

卷七百九十五

四

君俗尙武無法令武役其人多壽年至百五六十歲不事產業好爲盜互相凌劫尤重復讐若讐人未得必蓬首垢面洗足蔬食要斬讐人而後復常男女並衣喪禍仍披大氊養驢羊以供其食不知耕稼土無五穀氣候風多寒五月草始生八月霜雪降死求大麥於他界醞以爲酒與其庶母及伯叔母嫂子弟之婦淫穢蒸報諸夷中最爲甚自周及隋或叛或朝常爲邊患貞觀三年南會州都督疑元壽遣使招諭其會長細封步賴舉部內附太宗降璽書慰酬之步賴因卽來朝晏賜甚厚列其地爲鞏州拜步賴爲刺史仍請率所封掌谷渾其後諸姓會長相次率部落皆來內屬請同網戶太宗厚加撫慰列其地爲岷巖遠四州

各拜其首領爲刺史

又曰有黑黨項在於未水之西李靖之擊吐谷渾也渾土伏允奔于黑黨項居以空閒之地及吐谷渾舉國內屬黑黨項酋長號敦善王因貢方物又有雪山之下及白狗春乘白蘭等諸羌

焉者

北史曰焉耆國在車師用都員渠城白山南七十里漢時舊國也去代一萬二百里其王姓龍名鳩尸畢那卽前涼張軌所討龍熙之嗣所都城方二里內國凡有九城國小人貧無綱紀法令

又曰其丈夫剪髮以爲首飾文字與婆羅門同俗事天神

太平御覽

卷七百九十五

五

并崇信佛法尤重二月八日四月八日是日也其國咸依釋教齋戒行道焉

又曰其國養蠶不以爲絲唯充綿繡俗尙蒲桃酒兼愛音樂南去每十餘里有魚鹽蒲葦萬度歸來攻焉耆鳩尸畢那身率四五萬人出城守險以拒度歸募壯勇勁兵直往衝鳩尸畢那衆潰進屠其城四鄙謂戎皆來降服取其珍奇異翫殊方詭詭難識之物其時太武幸華陰山北宮度歸破焉露板至帝省訖賜司徒

崔浩書曰萬度歸以五十騎經萬餘里下焉耆三城獲其珍奇異物及諸委積不可勝數自古帝王雖云西戎卽序有如指注不能空引也朕今手把而有之如何浩上書稱

美

隋書曰焉其國俗奉佛書類婆羅門婚姻之禮有同華夏男子剪髮有魚鹽蒲葦之利

唐書曰焉其在京師西七千三百里其地良沃貞觀六年其王突騎支遣使貢方物復請開大積路以便行李太宗許之自隋末離亂磧路遂閉西域朝貢者皆由高昌及是高昌大怒遂與焉其結怨遣兵襲焉其大掠而去

又曰貞觀十四年侯君集討高昌遣使與之相結焉耆王大喜請爲聲援乃破高昌其王請詣軍門稱結焉人寃爲高昌所虜者悉歸之由是遣使謝恩并貢方物

### 小月氏

太平御覽

卷七百九十五

六

北史曰小月氏國都富樓沙城其王本大月氏王寄多羅子也寄多羅爲匈奴所逐西徙後令其子守此城因號小月氏被服頗與羌同其俗以金錢爲貨

又曰其城東十里有佛塔周三百五十步高八十丈自佛塔初建至後魏武定八年八百四十二年所謂百丈佛圖也

### 佛菽

唐書曰佛菽國一名大秦在西海之上東南與波斯接地方萬餘里列城四百邑連屬其宮與杜悅多以水精琉璃爲之有貴臣十二人共理國政常使一人將囊隨王車百姓有事卽以書投囊中還宮省發理其枉直其王無常人

簡賢者而立之國中災異及風雨不一廢而更立王冠形如鳥舉翼冠及纓結皆綴以珠寶著錦繡衣前不開襟坐金花床有一鳥似鵝其毛綠色常在王邊倚枕上座每進食有毒其鳥輒鳴其都城壘石爲之尤絕高峻凡十萬餘戶南臨大海城裏面有一大門其高二十餘丈自上及下飾以黃金光輝炤爛連躍數百里自外至王室凡大門三重列異寶雕飾第二門之樓門中懸一大金秤以金九十枚屬於衡端以候日之十二時焉其大如人立於側每至一時其金凡輒落鏗然發聲引唱以紀日時毫釐無失其殿以琴瑟爲柱黃金爲地象牙爲門扇香水爲棟樑其俗無瓦檁白石爲末羅之塗屋上其堅密光潤還如玉石

太平御覽

卷七百九十五

七

於盛昇之節人厭羶熱乃引水潛流上遍於屋宇機制巧密人莫之知也觀者唯聞屋上泉鳴俄見四簷飛溜懸波如瀑布激氣成涼風其巧妙如此風俗男子剪髮披帔而士袒婦人不開衿錦爲頭巾家資滿億封以上位有羊羔生於土中其國人候其欲萌乃築墻以院之防外獸所食也然其臍與地連割之則死唯人著甲走馬及擊鼓以駭之其羔驚鳴而臍遂出土俗皆繡衣乘輜輶白蓋小車出入擊鼓建旌旆幡幟上多金銀奇寶有夜光璧明月珠駭雞犀大真珠車渠馬腦孔雀翠珊瑚琥珀凡西域諸珍異多出其國

又曰貞觀十七年佛赫王波多日遣使獻赤玻璃綠玻璃

石綠金銀等物太宗降璽書答慰賜以綾綺

又曰開元七年正月其王遣吐火羅大首領獻獅子不數月又遣大德僧來朝貢

### 吐火羅

北史曰吐火羅國都葱嶺西五百里與邑且雜居都城方二里勝兵十萬人皆善戰其俗奉佛兄弟同一妻送寢焉每一人入房外掛其衣以爲志生子屬其長兄其山穴中有神馬每歲牧牝馬於穴所必產大駒隋大業中遣使朝貢

通典曰高宗永徽初遣使獻大鳥高七尺其尾立足如驢鼓翼而行日三百里能噉錢夷謂之馳鳥

### 大正御覽

卷七百九十五

八

又曰龍朔元年吐火羅置州縣使五名遠進西域圖記并請于圖以西波斯以東十六國分置都督府及州八十縣一百軍府百二十六仍於其國立碑以紀聖德帝從之

### 泥婆羅

唐書曰泥婆羅在吐蕃西其俗剪髮與眉齊穿耳置以竹筒牛剪綏至肩者以爲姣麗食用手無匙筯其器皆同多商賈少田作以銅爲錢皆文爲馬牛不穿孔衣服以一幅布蔽身日數盥漱以杖爲屋壁皆雕畫俗重博戲好吹蠶擊鼓頌解推測盈虛兼通歷術事五天神惟斲石爲像每日清水浴神烹羊而祭其王那陵提婆身著真珠玻璃車渠珊瑚琥珀纓絡耳乘金鈎玉鐙佩寶裝服飾坐獅子床

其堂內散花香大臣及諸左右並坐於地持兵數百列侍其側宮中有七層之樓覆以銅瓦欄楹楹皆飾珠玉樓之四角各懸銅槽下有金龍激水上樓注於槽中從龍口而出狀若飛泉

又曰貞觀中衛尉丞李義表往使天竺塗經其國那陵提婆見之大喜與義表同出觀何耆婆診池週迴二十餘步水常拂涌雖流瀑集礫石焦金來賞者咸以物投之卽生煙焰懸釜而炊須臾而熟

### 大食

唐書曰大食國本在波斯之西大業有波斯胡人牧馳於其紛摩地那之山忽有師子人語謂之曰此山西有三穴

太平御覽

卷七百九十五

九

中有大兵器汝可取之穴中并有異石白文讀之使作王位胡人依言果見穴中有石及硝双甚多有文教其反叛於是糾合亡命渡當曷水劫奪商旅其衆漸盛遂割據波斯西境自立爲王永徽二年始遣使朝貢其王姓大石氏名敢蜜莫未賦自云有國已三十四年歷三主矣其國男夫黑色多鬚鼻大而長自婆羅門婦女白皙亦有文字出駝馬大於諸國兵双勁利其俗勇於戰鬪好事天神土多沙石不堪耕種唯食駝馬等肉國西隣於大海其王移穴中異石寶之於圖

又曰其王常遣人乘船將衣投入海經八年而未極西岸海中見一石石上有樹幹赤葉青樹上忽生小兒長六七

寸見人皆笑動其手脚頭著樹枝其使摘取一枝小兒便死收在大石王宮

又曰龍朔中滅波斯佛菽其國始有米麪之屬又將兵南侵婆羅門吞併諸胡勝兵四十餘萬長安中遣使獻良馬景雲二年又獻方物開元初遣使來朝及進馬并寶鈿帶等方物其使謁見唯平立不拜憲司欲糾之中書令張說奏曰大食殊俗遠來慕義不可置罪上特許之尋又遣使胡獻自云在本國雖拜天神雖見王亦無致拜之法憲司屬詰責之其使遂請依漢法致拜

杜還經行記曰一名亞俱羅其大食王號幕門都其女環偉長大衣裳解潔容止閑麗女子出必擁面無問貴賤一

太平御覽

卷七百九十五

一

日午時禮天食肉作齋以殺牲爲功德繫銀束佩銀刀斷飲酒禁音樂人相爭者不至毆擊

又曰其菓有遍桃千年棗其蔓菁根大如斗而圓味甚美蒲桃大者如雞卵

四夷部十七

西戎五

莎車

波知

栗弋

悉居半

越底廵

波路

三童

蒲山

捩國

倭

丁令

且彌

隋羅伊羅

除彌

澤散

女國

呼得

曹國

漕國

何國

矮人

小人

軒渠

温宿

太平御覽



卷七百九十六

一

朱俱波

尉頭

滑國

姑默

疊伏羅

阿鈎羗

葱此羗

莎車

山出青玉

漢書曰莎車王治莎車城去長安九十九百五十里有鐵

又曰宣帝時烏孫公主小子萬年莎車王愛之莎車王無

子死時萬年在漢莎車國人計欲自托於漢又欲得公孫

心卽上書請萬年爲莎車王漢許之遣使者奚充國送萬

年萬年初王暴惡國人不說莎車王弟呼屠微殺萬年并

漢使者自立爲王約諸國背漢會衛侯馮奉世使送大宛

客卽以便宜發諸國兵擊殺之更立他昆弟子爲莎車王  
又曰馮奉世至宛宛聞其斬莎車王禮之昆於他使得其  
名馬象龍而返帝甚悅下議封奉世關內侯少府蕭望之  
以奉世矯制發諸國兵雖有功效不可以爲後代法事卽  
對奉世凡使者皆欲要功萬里之外爲國家生事於夷狄  
漸不可長不宜授奉帝善其議以奉世爲光祿大夫

波知

北史曰波知國在鉢和西南土狹人貧依託山谷其王不  
能總攝有大池傳言大者有龍王次者有龍婦小者有龍  
子行人經之設祭乃得過不祭多值風雪之困

栗弋

太平御覽

卷七百九十六

二

通典曰栗弋後魏通焉在葱嶺四大國一名栗特一名指  
夢出名馬牛羊珍菓蒲萄酒其土地水美故也有大禾高  
丈餘形如胡豆在安息北五千里附庸小國四百餘城漢  
武帝時遣使朝貢

悉居半

北史曰悉居半國故西夜國也一名子國合其王號子治  
呼撻在于闐西去代萬二千九百七十里後魏大延初遣  
使來獻自後不絕

越底延

通典曰越底延國隨時聞焉治辛豆河北西北去賒爾國  
千餘里東北至瓜州五千四百里其婆羅門種類戶數萬

餘有弓矢刀鞘皮甲國法不殺人重罪流輕者杖國無課稅其俗事佛王及庶人剪髮衣錦袍不開縫貧者自疊婦人爲髻衣裙衫披長巾俗清潔氣候溫多稻有羊馬牛鑰石訶梨勒

波路

北史曰波路國在而鈎羗西戎北去代一萬三千九百里其地濕熱有蜀馬土平物產國俗與阿鈎羗同

三童

通典曰三童在軒渠國西南千里人皆眠有三睛珠或有四舌者能爲一種聲亦能俱語當貸多用犀象作金弊率效國王之面亦效王后之面若丈夫容易則用國王之面太平御覽

卷七百九十六

三

者王死則更鑄

蒲山

北史曰蒲山國故皮山國也居皮城在于闐南去代一萬二千里其國西南三里有凍凌山後役屬

劫國

通典曰劫國隋時聞焉在葱嶺東南西與睢彌國界接西北至邑怛國去長安萬二千里有戶數萬氣候熱有稻粟粟豆羊馬出路沙青黛婚姻同突厥死亡葬於山谷又曰大唐武德二年遣使貢寶帶金鑲頗黎水精盃各一頗黎四百九十枚大小不一

魏書曰僚之初也出自梁益之間種類甚多散居山谷畧無氏族之別依樹積木以居其上名曰干蘭大小隨其家之人數往往推一長者爲王父死則子繼若中國之當族也僚王各有鼓角一雙使其子弟自吹擊之好相殺害多仇怨不敢遠行性同禽獸至於忿怒父子不相避唯手有兵刃者先殺之若殺其父走避於外來得以狗謝其母然後敢歸母得狗謝不復嫌恨若報死相攻擊必殺而食之平常劫掠責取猪而已親戚比隣指授相賣亡兒女哭散便不復追思唯執戟持矛不識弓矢用竹爲竿羣聚鼓之以爲音爲細布色鮮淨大狗一頭買一生口其俗畏鬼尤尙淫祀所殺之人美鬚髯者剝其面皮籠之於竹及燥號

太平御覽 卷七百九十六

曰鬼鼓無不祀之以求福

北史曰僚者盡南蠻之別種自漢中達于邛笮周洞之間所在皆有種類甚多所生男女無名字唯以長幼次第呼之丈夫所稱伊布那段婦人阿夷阿等之類皆語之次第稱謂也鑄銅爲金幣大口寬腹名曰銅爨旣薄且輕易於熟食建國中李勢在蜀諸僚始出也西川渠川廣漢陽安資中次碓郡縣爲益州大患自桓温破蜀之後蜀人東流山險之地多空僚遂掩山傍谷與夏人參居居者頗輸租賦在深山者爲獮戶梁益二州公私頗藉爲利正始中夏侯道遷舉漢中內附宣武遣尙書邢蠻爲梁益二州刺史以鎮之近夏人者安堵樂業在山谷者不敢爲寇其後朝

延以梁益二州控攝嶮遠方巨巴州以統諸僚後以亡首  
巖始欣爲刺史又立隆城鎮所統僚二十萬戶及周文平  
梁益令所在撫慰然天性暴亂旋致擾動每歲隨近州鎮  
出兵討之獲其生口以充賤隸謂之爲壓僚焉

永昌郡傳曰僚民喜食人以爲至珍美不自食其種類也  
怨仇乃相害食耳能水中潛行數十里能水底持刀刺捕  
取魚其人以口嚼食並鼻飲水死人有棺其壘取棺埋之

丁令

後魏書曰丁令在康居北勝兵六萬人隨畜牧依土處出  
貂鼠史軍子皮西南去康居界三千里

又曰丁令北有馬臘國其人音聲似鴛鴦從膝以上至頭  
太平御覽 卷七百九十六 五  
人也膝以下生毛馬臘馬蹄走疾於馬勇健敢戰

且彌

北史曰且彌國都天山東臨於大谷在車師北去代一萬  
五百七十里本役屬車師

陁羅伊羅

通典曰陁羅伊羅國隋時聞焉在烏蔡國北大雪山坡上  
緣梯登山接七百梯方到其國

睢彌

北史曰睢彌國在波知之南山居不信佛法專事諸神  
亦附嘍嚩東有鉢盧勒國路險緣鐵鑠而度下不見底後  
魏熙平中宋雲等終使不能達

澤散

通典曰澤散國魏時聞焉屬大秦其治在海中央最與安息城穀相近西南詣大秦不知里數

女國

北史曰女國在葱嶺南其國以女爲王姓蘇毘字末羯在位二十年女王夫號曰金聚不知政事國內丈夫唯以征伐爲務山上爲城方六里人有萬家王居九層之樓侍女數百人五日一聽朝復有小女王共知國政其俗婦人輕丈夫而性不如忌男女皆以彩色塗面而日中或數度變改之皆被髮以皮爲鞋課稅無常氣候多寒以射獵爲業出鎗石朱砂麝香犛牛駿馬蜀馬尤多鹽恒將鹽向天竺

太平御覽

卷七百九十六

六

與販其利數倍亦數與天竺黨項戰爭其女王死國中厚歛金錢求死者族之中賢女二人一爲女王次爲小王貴人死剝皮以金屑和骨肉置甕中埋之經年又以其皮肉鐵器埋之俗事阿脩羅神

又曰有樹神歲初以人祭或用獼猴祭畢入山祝之

呼得

通典曰呼得魏時聞焉在葱嶺北烏孫西北康居東北勝兵萬餘人隋畜牧出名馬多貂鼠

曹國

北史曰曹國都那密水南數里舊是康居之地也國無主康烏王合子國建領之都城方三副勝兵千餘人國中有

得悉神自西海以東諸國並事之其神有金人破羅濶人丈有五尺高下相稱每日以駝五頭馬十疋羊一百口祭之南去康國百里大業中遣使貢方物

漕國

北史曰漕國在葱嶺之北漢時蜀賓國也其王姓昭武字順達康國王之宗族也都城方四里勝兵萬餘人國法嚴峻俗重淫祠葱嶺山有順天神者儀制極華以金爲屋以銀爲地祠者日有千餘人祠前有一魚脊骨有孔中通馬騎國王戴金牛頭冠坐金馬座多稻粟豆麥饒象馬韋金銀鑲鐵氍毹朱砂青黛安息青木等香石蜜黑鹽阿魏沒藥白附子東去劫國六百里大業中遣使貢方物

太平御覽

卷七百九十六

七

何國

隋書曰何國都那密水南數里舊是康國地也其王姓昭武亦康國王之族類都城方二里勝兵千人其王坐金羊床東去漕國百五十里西去女國三百里大業中遣使貢方物

短人

通典曰短人魏時聞焉在康居西北男女皆三尺人衆甚去奄蔡諸國甚遠康居長老傳聞常有商旅行北方迷惑道而到此國國中甚多珍寶夜光明月之珠其國去康居可萬餘里

突厥本末記云自突厥北行一月有短人國長者不踰二

尺亦有一尺者頭少毛髮若羊胞之狀突厥呼爲羊胞頭其傍無他種類相侵俗無寇盜但有人鳥高七八尺恒伺短人喙而食之短人皆持弓矢以爲之備按此亦在西北卽魏略之短人國也

小人

通典曰小人在秦之南軀纔三尺其耕種之時懼鵠所食大秦每衛助之小人竭其珍貨以酬報

軒渠

通典曰軒渠國多九色鳥喙青綠頸紫翼綠膺紺頂丹足碧身緋背玄尾赤名九色鳥亦名錦鳳其青多紅少謂之繡鸞恒從弱水西來或云是西王母之禽也其國幣貨同

太平御覽

卷七百九十六

八

三童國

溫宿

北史曰溫宿國居溫宿城在姑默西北去代一萬五百五十里

朱俱波

通典曰朱俱國後魏時通焉亦名諸居槃國漢子合國也今并有西後蒲犁依耐德若四國之地在于闐國西千餘里其西至葱嶺二百里東至曷槃國南至女國三千里北至疎勒九百里其王本疎勒國人後魏宣武永平中朱居槃國遣使朝貢其言音與于闐相似其間小異人貌多同

華夏亦類疎勒大唐武宣以後頻遣使朝貢

尉頭

北史曰尉頭國居尉頭城在温宿北去代一萬六百五十里

滑國

通典曰滑國車師之別種後漢順帝永建初八滑從班超擊北虜有功漢以八滑爲後部親漢侯自魏晉以來不遺中國主梁武帝普通初其王厭帶夷粟陁始遣使獻黃獐子白貂裘波斯錦等物後魏時居乘乾地滑猶小國屬蠕蠕後稍强大征其傍國波斯渴槃劉賓龜茲疎勒姑默子闐諸國焉其獸有獅子四脚馳人皆善騎射著小袖長者袍用金玉爲帶女人被裘頭上刻木爲角長咫尺以金銀

太平御覽

卷七百九一六

九

飾之兄弟共妻無城以犴尾爲居東向開戶其王金床隨太歲轉無文字以木爲契與傍國通用胡書羊皮爲紙無職官事天神火神每日出祀神而後食其晚一拜而止死以木爲槨父母死其子截一耳莖訖卽吉其言語大畧譯然後通至後魏時謂之嚧嚧國或云高車之別種或云大月氏之種其源出於塞北自金出至後魏文帝時已八九十年矣在于闐之西東去長安萬一千里衣服類胡加以纓絡頭皆剪髮其語與蠕蠕高車及諸胡不同部制可十萬衣隨水草其國無車輿多馳馬用刑嚴急盜無多少皆要斬盜一償十死者富家累石爲藏貧者掘地而埋隨身

諸物皆置冢內又兄弟共聚一妻無兄弟者其妻戴一角

帽若有兄弟者依其多少之數更加帽角焉西城康居于  
闐沙勒安息及諸小國三十許皆役屬之號爲大國每遣  
使朝貢孝明帝熙明中遣使伏子統宋雲使西城所經諸  
國不能知其本末及山川里數今舉其畧云至隋時又謂  
挹恒國都烏澹水南二百餘里大月氏之種類也勝兵五  
六萬人俗善戰先時國亂突厥遣通設字諱強領其國俗  
同吐火羅南去曹國千五百里東去瓜州六千里大業中  
遣使來貢按劉番梁典滑國姓嘸嗒後裔滑姓爲國號轉  
訛又謂之挹恒焉

姑默

北史曰姑默居南城在龜茲西去代一萬五百里

太平御覽

卷七百九十六

十

疊伏羅

通典曰疊伏羅後魏時通焉去代三萬一千里國中有勿  
悉城北有壘奇水西流有白象土宜五穀宣武時遣使貢

方物

阿鈎羗

通典曰阿鈎羗後魏時通焉在莎車西南國西有懸度山  
其間四百里中往往有棧道下臨不測之深人行以繩  
相持度山有五穀諸菓市用錢爲貨居止立宮室有兵器

葱苾羗

通典曰燉煌西城之南山中從婁羗西至葱嶺數千里有  
月氏餘種曰葱 白馬羗黃牛羗各有首豪北與諸國

接不知其道里廣狹傳黃牛羗種類孕身六月生南與白  
馬羗隣並魏時聞焉

太平御覽

卷七百九十六

士



太平御覽卷第七百九十六終

儀徵畢貴生分校

太平御覽卷第七百九十七

四夷部十八

西戎六

蒲類

小苑

精絕

渠勒

依耐

無雷

難兜

孤胡

山國

烏食

卑陸

郁立師

却國

烏弋山離

拘彌

德若

高附

東離

移支

者舌

拔豆

烏利

者至拔

朱居

太平御覽

卷七百九十七

權烏摩

伽色尼

薄知

牟知

阿弗太汗

呼似密

諾邑波羅

卑伽至

伽不單

伽倍

拆薛莫孫

鉗敦

弗敵沙

臨兒

賁虜

盤鉞

鹽長

奇桓

石尖

扶伏

可藹

鵠國

無不達

無繼民

錄民

無首民

納民

狗夷十八

波羅泰斯

鼠王

摩訶賴

波麗越

雞城

和訶條

播黎曰

舍衛

維耶離

迦維羅越

確國

拘那舍

波羅奈

拘宋婆

拘私那竭

摩竭提

蒲類

漢書曰蒲類王治天山西疏榆谷去長安八千三百一十

里

後漢書曰蒲類國王居天山西疏榆谷一帳而居遂水草

能作弓矢國出名馬蒲本大國也前西城屬匈奴時蒲王

得罪于單于怒徙蒲國人名六千餘口內之匈奴右部阿

太平御覽

卷七百九十七

二

惡地號曰阿惡國初徙居時甚貧羸不能者逃亡在山谷

間故後畱爲蒲類國云

小苑

漢書曰小苑國王治扞合城去長安七千二百一十里東

與婁羌接

精絕

漢書曰精絕國王治精絕城去長安八千八百二十里地

阨狹西通扞彌四百六十里

渠勒

漢書曰渠勒國王治韃都城去長安九千九百五十里東

與戎盧接

里 依耐

漢書曰依耐國去長安莎車一百五十里皆至疏勒六百五十里少穀寄田莎車疏勒

里 無雷

漢書曰無雷國王治無雷城去長安九千九百五十里衣服類烏孫

里 難兜

漢書曰難兜國王治去長安一萬五千一百五十里西與大月氏接種五穀有金銀銅鐵作兵

里 孤胡

漢書曰孤胡國王治車柳谷去長安八千餘里

太平御覽

卷之二百九十七

三

里 山國

漢書曰山國王治去長安七千一百七十里出鐵民山居寄田糴穀於焉耆

里 烏食

漢書曰烏食訾離國王治于婁谷去長安萬三百三十里

里 卑陸

漢書曰卑陸國王治天山乾當谷去長安八千六百八十

里

五十里 郁立師

漢書曰郁立師國王治內咄谷去長安八千八百三十

里

却國

漢書曰却國王治天山東丹渠谷去長安八千五百七十里

烏弋山離

漢書曰烏弋山離國王治去長安萬二百里不屬都護烏弋地暑熱其草木畜產五穀菓菜飲食宮室市列錢貨兵器金珠之屬與蜀賓同有桃杖獅子犀牛俗重安殺錢文爲人頭幕爲騎馬

拘彌

後漢書曰拘彌王治寧彌城去洛陽萬二千八十里虛帝焉平四年于闐王治寧彌城去洛陽殺其王死者甚衆戊太平御覽

卷七百九十七

四

已校尉西域長史各發兵輔立寧彌侍子定與爲王

德若

後漢書曰德若國王東去洛陽一萬二千一百五十里與于婁谷接其俗皆同

高附

後漢書曰高附國在大月氏西南其俗似天竺而弱易服善賈販內富與財所屬無常天竺鄒賓安息三國強則得之弱則失之

東離

後漢書曰東離王國治沙其城在天竺東南三千餘里其暑熱風氣物類與天竺同有城十數其人民男女皆長大

可八尺乘象往來隣國有寇乘濠以戰

移支

後漢書曰移支國王居蒲類地其民勇猛敢戰以寇鈔為事皆被髮隨畜遂水草不田作

者舌

後魏漢書曰者舌國故為康居國也在破洛那西北去代一萬五千四百五十里大武太延三年遣使朝貢

拔豆

後漢書曰拔豆國去代二萬五百里國中出金銀雜貨白象水牛犴牛蒲桃菓土宜五穀

烏利

太平御覽

卷七百九十七

五

後漢書曰烏利國去代五萬八十里國中出金玉良馬白疊土宜五穀

者至拔

後魏書曰者至拔國都城在疎勒西去代一萬一千六百里二十里其東國有潘賀山出美錢獅子等

朱居

後魏書曰朱居國中于闐西其民山居有凌多林果咸事佛與于闐相類役屬厭達

權烏摩

後魏書曰權烏摩國去代一萬二千九百七十里

伽色尼

後魏書曰伽色尼國治伽色城在萬斤南去代一萬二千九百

薄知

後漢書曰薄知國治城在伽色尼南去代一萬三千二百二十里

牟知

後漢書曰牟知國都牟知城在均密西去代二萬二千九百二十里土平禽獸草木類中國

阿弗太汗

後漢書曰阿弗太汗國治阿弗太汗城在扭密西去代二

太平御覽

卷七百九十七

六

萬三千七百二十里土平多五菓

呼似密

後漢書曰呼似密國治呼似密城在阿弗太汗西去代二萬七百里出金琥珀有獅子多五菓

諾邑波羅

後魏書曰諾邑波羅國治諾邑波羅城在扭密南去代二萬三千四百八十里土平宜稻麥五菓

卑伽至

後魏書曰卑伽至國治卑伽至城東接扭密國去代二萬三千七百里土平少田殖取稻麥於鄰國有五菓

伽不單

後魏書曰伽不單國治伽不單城在悉萬斤西北去代一萬二千七百八十里土宜稻麥有五菓

伽倍

後魏書曰伽倍國故休蜜翎侯所治和墨城也在莎車西去代萬三千里民居山谷間

拆薛莫孫

後魏書曰拆薛莫孫國故雙摩翎侯所治雙城也在伽倍西去一萬三千五百里居山谷間

鉗敦

後魏書曰鉗敦國古之貴霜翎侯所治護藻城也在拆薛莫孫西去代一萬三千五百六十里居山谷之間

太平御覽

卷七百九十七

七

弗敵沙

後魏書曰弗敵沙國古盼慎翎侯所治薄方城也在鉗敦西去代一萬三千六百里居山谷間

臨兒

魏畧曰臨兒國浮屠經云其國王生浮屠太子也父曰屠頭耶母曰莫耶浮屠身服黃色髮青浮有青毛冬亦始莫耶夢白象而孕及生從母右脅出地能行七八步漢哀帝元壽元年博王景庸從月氏王使伊存口授浮屠經其所載與老子經相出入蓋以老子西出關教胡爲浮屠也

貴虞

魏畧曰貲虜本匈奴之奴也匈奴名奴婢爲貲姑建武知  
匈奴將衰分其奴婢亡匿在金城武威酒泉北卑水東畜  
牧逐水草抄盜涼州不與東部鮮卑同也其衆非一有大  
胡丁令羌雜處並本亡奴婢也

盤越

魏書曰盤越國一名漢越王石天竺東南數千里與益部  
相近其人小大與中國人同

鹽長

山海經曰西海中有鹽長國其人鳥首亦名鳥民

奇桓

括地圖曰奇桓民善爲機巧設百禽爲飛車從風遠行溫  
太平御覽

卷七百九十七

八

時西風多奇桓車至於豫州蕩破其車十年西風到乃合  
復作車造歸去玉門四萬里

石尖

玄中記曰土門之西南羌之東有一國五六百戶無他事  
役國中有山山上有祠廟國人每歲出石尖數千枚輸土  
廟中各露靈尖以給霹靂所用從春雷出而日減至秋  
冬盡

扶伏

玄記曰扶伏民者黃帝軒轅之臣曰茹豐有罪刑而放之  
扶伏而去是後爲扶伏民去玉門關二萬五千里

可蘭

沙州記曰大白蘭西北千二百里有可蘭國風俗卑陋從  
開闢來口不知肉味目不識五色耳不聞六律五聲是西  
夷中不藏者土無所出直大養孳畜而已尸落萬餘其人  
頑弱見異人舉國便走

鵠國

神異經曰西海之中有鵠國男女皆長七寸爲人自然有  
禮好談論跪拜其人歲壽三百行如飛日行千里皆有禮  
不敢相犯唯畏海鵠鵠有吞之亦壽三歲人在鵠風中不  
死而鵠一舉千里

無不達

神異經曰西南大荒中有人焉長一丈腹圍九尺龜蛇首  
太平御覽

卷七百九十七

九

戴朱鳥左手憑青龍右手憑白虎知河海升斛識山石多  
少知鳥獸言語知百穀可食識草木甘苦名曰聖一名哲  
一名無不達凡人見拜者令人神知

無繼民

外國圖曰無繼民穴居食土無夫婦死則埋之心不朽百  
年復生去玉門四萬六千里

錄民

外國圖曰錄民穴居食土無夫婦死則埋之其肺不朽百  
年復生去玉門四萬一千里

無育民

外國圖曰無育民乃與帝淨神帝斬其首救之北野以乳

爲目臍爲口去玉門三萬里

納民

外國圖曰納民陸居食土無夫婦死則埋之其肝不朽八年復生去玉門五萬里

狗夷

釋道安西域志曰狗夷國北去城數百里山上有石駝溺水滴下以金銅鐵及木器手掌承之皆漏惟瓢瓠不漏服之令人身臭毛皮盡脫得止其國有姿羅門守視

波羅泰斯

釋道安西域志曰波羅泰斯國佛轉法輪調達人地獄土陷處皆在其國

太平御覽

卷七百九十七

鼠王

釋道安西域志曰于闐道中有鼠王國大者如狗小者如兎著金袈裟沙門過不禮白衣不禮輒害人

摩訶賴

釋道安西域志曰摩訶賴國又南有阿耨達山王舍城在耨道山東南角竹園精舍在城西佛寺竹甚多去城五十里

波麗越

釋道安西域志曰羅衛國東四百里至波麗越國波麗越國卽外佛祖國也

釋安道西域志曰胡城北有雞城其人首象雞也

和訶條

支僧載介國事曰和訶條國在大海中地方里二萬一千大山各三漫屈有石井井中生千葉白蓮花數孕井邊石上有四佛足跡每月六七日彌勒菩薩常以諸天神禮佛迹畢便飛去國王長者常作金樹銀花銀樹金花以供奉佛

播黎曰

支僧載外國事曰播黎曰國者昔是小國耳今是外國之大都流沙之外悉稱臣妾

舍衛

太平御覽

卷七百九十七

七

支僧載外國事曰舍衛國今無王盡屬播黎曰國王遣小兒住國人不奉佛法

維耶離

支僧載外國事曰維耶離國去舍衛五十里國人不奉佛

迦維羅越

支僧載外國事曰迦維羅越國今無腹王土也國人亦屬播黎曰國昔太子生時有龍一吐水一吐火一冷一煖今有二池尚一冷一煖

那訶維

支僧載外國事曰那訶維國土豐樂多民物在迦維越南

相去三十里

碓國

支僧載外國事曰迦葉佛生碓國今無復有此國故處在舍衛國西相去三十里

拘那舍

支僧載外國事曰拘那舍國牟尼佛所生也亦名拘那舍在迦維羅越西相去三十里

波羅奈

支僧載外國事曰彌勒佛當生波羅奈國是屈陀羅經所說在迦維越南

拘宋婆

支僧載外國事曰拘宋婆國今見過去佛四所佳處四星太平御覽

卷一百九十七

主

劉密

支僧載外國事曰劉密小國耳在舍衛之西國王民人悉奉佛土地寒羅漢道人及沙門到冬月日未中前少飲酒過中後不復飲酒食果屬國大秦

拘私那竭

支僧載外國事曰佛在拘私那竭國佛欲人涅槃時自然有寶床從地出有八萬四千國王爭將佛歸神廟天人曰佛應就此亡那竭王乃作金棺柵檀車送佛喪積薪不燒自然化王將舍利婆羅門分之乃用金升量舍利得八斛四千諸國各得少許還國各立浮屠

摩竭提

支僧載外國事曰摩竭提國在伽維羅城之南相去三十里由旬有具多樹佛在此樹下坐六年

太平御覽

卷七百九十七

三



太平御覽卷第七百九十七終

儀徵畢貴生分校

太平御覽卷第七百九十八

四夷部十九

西戎七

吐蕃

太羊同

悉立

章求拔

日末

烏耗

西夜

吐蕃

唐書曰吐蕃在長安之西八千里本漢西方之地其種落莫知所出或云南涼禿髮利鹿孤之後也利鹿孤有子曰樊及利鹿孤卒樊尼尙幼弟褥檀嗣位以樊尼爲安西將軍後魏神瑞元年褥檀爲西秦乞伏盤熾所滅樊尼招集餘衆以投沮渠蒙遜而蒙遜以爲臨松太守及蒙遜滅

太平御覽

卷七百九十八

一

樊尼乃率衆西奔濟黃河踰積石於羌中建國開地十里

樊尼威惠夙著爲郡羌所懷皆撫以恩信歸之如常遂改

姓爲宰教也以禿髮爲國號語訛謂之吐蕃其後子孫蕃

昌又侵伐不息土宇漸廣歷及隋猶隔諸羌未通於中國

其國人號其王爲贊普置大論小論以統理國事無文字

刻木結繩爲約雖百官不常厥職臨時統領徵兵用金

箭寇至舉烽燧百里一亭用刑嚴峻小罪剗眼劓刑或

皮勒殺之但隨喜怒而無常科囚人於地牢深數丈二三

年方出之宴異國賓客必驅犁牛令客自射牲以供饌與

其臣下一年一小盟刑羊狗彌猴先折其足而殺之釋其

腸而屠裂之令巫者告於天地山川日月星辰之神云者

心遷志變懷奸反覆神明鑒之同於羊狗三年一大盟夜於壇墀之中陳設肴饌殺人牛馬驢以爲牲呪曰爾等咸須同戮力共保我家惟天神地祇共知爾志有負此盟使爾身體屠裂同於此牲其地氣候大寒不生稷稻有遷麥營豆小麥蕎麥畜多犁牛猪犬羊馬又有天鼠狀如雀鼠其大如貓皮可爲裘又多金銀銅錫其人或隨畜牧而不常厥居然頗有城郭其國都城號爲邏娑城屋皆平頭高者至數十尺貴人處于大氊帳名爲佛盧寢處汗穢絕不櫛沐接手飲酒以氊爲椀實以美酪盤捻麵酪并食而已多事類抵之神人信覲巫不知節候麥熟爲歲手圖碁六博吹蠶鳴鼓爲戲弓劍不離自重莊賤老母拜于子子倨於父出入皆少者前者後軍合嚴肅每戰前隊北死後隊方動兵死死惡病終累代戰沒以爲甲門臨陣敗走者懸狐尾於其首表其似狐之怯稠人廣衆必以狗焉其俗恥之以爲次死拜必兩手據地作狗吠之聲以身再揖而止居父母喪散髮青黛塗面衣皆服黑旣葬卽吉其贊普死以人殉葬衣服珍翫及常所乘馬弓劍之類悉埋之又曰貞觀八年其贊普棄宋弄讚始遣使朝貢弄讚弱寇嗣位性驍武多英略其隣國羊同及諸羗普賓伏之太宗遣行人馮德遐往慰之見德遐大悅聞突厥及吐谷渾皆尙公主乃遣使隨德遐入朝賚金寶奉表求婚太宗未

又曰弄讚常率衆二十餘萬頓於松州西境遣使貢金帛云來迎公主太宗遣吏部尙書侯君集等擊破之弄讚大懼遣使謝罪因復請婚太宗許之弄讚乃遣其桐祿東致禮獻金五千兩其餘寶玩數百事貞觀十五年太宗以文成公主妻之令禮部尙書江夏郡王道宗主婚持節送公主于吐蕃弄讚率其部兵浮渤親迎于河源見王人如子婿之禮甚恭旣而歎大國服飾禮儀之美俯仰有愧沮之色及與公主歸國謂所親曰我祖父未有通婚上國者今我得尙大唐公主爲幸實多當爲公主築一城以誇示後代遂築城邑立棟宇以居處焉公主惡其人赭面弄讚令國中權且罷之身亦釋氊裘襲綺綺好慕華風仍遣首

太子御覽

卷之九十八

三

疏  
豪子弟請入國學以習詩書又請中國識文之人典其表

又曰太宗伐遼東還弄讚遣祿東賚來賀奉表曰聖天子平定四方日月所照之國並爲臣妾而高麗恃遠闕於臣禮天子自領百萬渡遼致討摧城陷指日凱旋夷狄纔聞陛下發駕少進之閒已聞歸國鳳飛迅速不及陛下連疾奴忝預子婿喜倍常衷夫鵝鷹也故作金鵝奉獻其鵝黃金鑄成高七尺中可實酒三斛

又曰高宗嗣位授弄讚爲駙馬都尉封西海郡王賜物二千段弄讚因致書司徒長孫无忌等云天子初卽位若臣下有不忠之心者當勤兵以赴國并獻金銀珠寶十五種

高宗嘉之進封爲王賜雜彩三千段因請吞種及造酒碾  
磴紙黑之區並許焉

又曰高宗聞劉審禮等敗召侍臣問以緩禦之策中書舍  
人郭正一日吐蕃何梗年號已深命將興帥相繼不絕空  
勞士馬虛費糧儲近討則徒損兵威深入則難窮巢穴臣  
望少發兵募且遣備邊明立烽堆勿令侵抄使國用豐足  
人心叶同寬之數年可一舉而滅給事中劉齊賢皇甫文  
亮等皆言嚴守之便

又曰長壽元年武威軍總管王孝傑大破吐蕃之衆克復  
龜茲於闐疎碎葉等四鎮乃于龜茲置安西都護府發兵  
以鎮守之

太平御覽

卷七十九

四

又曰聖歷二年吐蕃將贊婆率所部千餘人及其兄弟莽  
布支等來降則天遣羽林飛騎郊外迎之敕贊婆輔國大  
將軍作右衛大將軍封歸德郡王優賜甚厚

又曰神龍元年贊普之祖母遣其大臣悉單然來獻方物  
爲其孫請婚中宗以所養雍王守禮女爲金城公主許嫁  
與之自是頻歲貢獻景龍三年十一月又遣其大臣尙贊  
吐等來迎女中宗宴之於苑內毬長命駙馬都尉楊慎交  
與吐蕃使打毬中宗率侍臣以觀之四年正月制曰聖人  
布化用百姓爲心王者垂仁以八荒無外故能光宅遐邇  
裁成品物由是隆周理歷恢柔遠之圖強漢乘時建和親  
之義斯蓋禦夷長策經邦遠謨朕受命上靈克纂洪業庶

幾貽烈求致和平眷彼吐蕃僻在西服皇運之始早申朝貢太宗文武聖和平德侔覆載情深億兆思偃兵甲遂通姻弟數十年間一方清靜自文成公主化往其國因多變革我之邊隅亟興師旅彼之蕃婆頗聞彫弊頃者贊普及祖母可敦酋長等屢披誠款積有歲時思託舊親請崇新好金城公主朕之少女豈不鍾念但爲人父母志恤黎元若允乃誠祈更敦和好則邊土寧宴兵役休息遂爲國大計築茲外館事膺嘉禮降彼吐蕃贊普卽以今月進發朕親自送於郊外命大將軍楊矩使焉其月帝幸始平縣以送公主設殿帳於百須泊側引公主宰臣賦詩餞別改始平縣爲金城縣改其地爲鳳池鄉

又曰開元二年秋吐蕃大將軍蚡達延乞力徐率衆十餘萬寇臨洮軍又進寇蘭木等州縣掠監牧羊馬而去玄宗合攝左羽林將軍薛納及太僕少卿王朘率兵邀擊之仍下詔將大舉親征召募將士克期進發俄而朘等與賊相遇于渭源之武階驛前軍王海濱力戰死之朘等乘之而進大破吐蕃之衆殺數萬人盡將得所掠羊馬賊餘黨奔北相枕藉而死洮水爲乎不流上遂亭親征命紫微舍人倪若水往接重寶仍弔祭王海濱而還

又曰開元十七年玄宗遣皇甫惟明等使吐蕃惟明等七見贊普及公王具宣上意贊普等欣然請和盡出金親已來前後刺書以示惟明等合其重臣名悉賴隋惟明入

朝上表曰外甥是先皇帝宿親又蒙降金城公主遂同和  
爲一家天下百姓普皆安樂中間爲張玄表禮知古等東  
西兩處先動兵馬侵抄吐蕃邊將所以兩相征討迄至今  
日遂成罅隙外甥以外代文成公主金城公主之故深識  
尊卑豈敢失禮又緣年小枉被邊將萬足丞前讒構鬪亂  
令舅致惟伏乞垂察追留使將萬足丞前數度使人入朝  
皆被邊將不許所以不敢自奏去冬王公遣使人妻衆夫  
若將杖尊往蒙降使看公主來外甥不勝喜荷謹遣論名  
悉賴及副使押衛將軍浪夢紇夜悉臘入朝奏表進曰兩  
國事意悉獵所具外甥蕃中已處分邊將不許抄掠若有  
漢人來投便令却送伏望皇帝舅遠察赤心許從舊好長

令百姓快樂如蒙聖恩千年萬歲外甥終不敢先違明  
誓謹奉進金胡瓶一金盤一椀一馬腦盃一零羊衫段一  
謹充微忱之禮金城公主又別進金鴨盤盞雜器物等十  
八年十月名悉獵等至京師上御宣政殿列羽林伏以見  
之恣獵頗曉書記會迎金城公主至長安當時朝廷皆  
稱其材辨及是上引入內宴與語甚禮之賜一袍金帶及  
魚袋并時服繒綵銀盃胡瓶等仍於別館供擬甚厚悉獵  
受袍帶器物而却進魚袋辭曰本國無此章服不敢當殊  
異之賞上喜而許之詔御史大夫崔琳克使報聘仍於赤  
嶺各堅分界之碑約以更不相侵時吐蕃使奏云公主請  
毛詩禮記左傳文選各一部制令秘書省寫與之正字于

休烈上疏諫曰臣聞戎狄國之寇也經籍國之典也戎之  
生心不可以無備典有恆制不可以假人傳曰裔不謀夏  
夷不亂華所以革其非心在乎有備無患昔者東平王入  
朝求史記諸子漢帝不與蓋以史記多兵謀諸子雜詭術  
失以東平漢以懿戚尚不欲示征戰之書今西戎國之寇  
讐豈可貽以經典之事且臣聞吐蕃之性慄悍果決敏精  
特銳善學不廻若達放書必能知戰深於詩則知武夫有  
師干之試深於禮則知月令有廢興之兵深於傳則知用  
師多詭詐之智深於史則知往來有書檄之制何畢備寇  
兵而資盜糧也臣聞魯秉周禮齊不加兵吳獲乘車楚屢  
奔命一以守典存國一以喪法危邦可取鑒也且公主出

嫁從人遠適自岡各慕夷禮返求良書愚臣料之恐非公  
主本意也慮有奔北之類勸教於中若陛下慮失蕃情以  
傳國信必不得已請去春秋當周德既衰諸侯強盛禮樂  
自出戰伐文興情僞於是乎生變詐於是乎起則以臣各  
君之事取威定霸之名若與此書國之患也傳曰於奚請  
曲縣幣纓仲尼云惜也不如多與之邑惟名與器不可假  
人狄固貪婪貴貨易土止可錫錦之綺厚以玉帛何必率  
從其來以資其智臣忝叨列位職刊秘藉實痛經典棄在  
戎夷昧死上聞惟陛下深察

又曰開元二十二年遣將軍李佺於赤嶺與吐蕃分界立  
碑工十四年正月吐蕃使貢方物金銀器玩數百事皆

形制甚異上合列於提象門外以示百寮

又曰開元二十八年春章求兼瓊密與安戎城中吐蕃翟都局及維州別駕熏承宴等通謀都局等遂翻然歸疑因引官軍入城盡殺吐蕃將土使監察御史許遠率兵鎮守上聞之甚悅中書令李林甫等上表曰伏以吐蕃北城正當衝要憑險自古恃以窺邊積年以來蟻聚爲患縱有百禹之衆難以施功陛下親結秘策不興師族頓令中使李思敬曉喻羌族莫不懷思翻然改圖自相謀陷神筭運於不測睿畧通於未然累載逋誅一朝蕩滅又臣等今日奏事陛下從容示四等曰卿等但看四夷不久當漸淪喪德音纔降遠聞戎捷則列聖與天合德應響至速前古已來

太平御覽

卷七百九十一

八

所未有也請宣示百寮編諸史策手刺荅曰此誠儀鳳年中羗引吐蕃遂被固守歲月既久攻伐亦多其地險隘非力所制朝廷羣議不勸取之朕以小蕃無知事須處置投以奇計所以行之獲彼戎心歸我城守有足爲慰

大羊同

通典曰大羊同東接吐蕃西小羊同北至于闐東西千餘里勝兵八九萬其人辮無髮種裘畜牧爲業地風雪水厚尺餘所出物產頗同吐蕃俗無文字但刻未結縲而已刑法嚴峻其酉豪死決去其腦實以珠玉剖其五臟易以黃金假造金鼻銀齒以人爲殉卜以吉辰藏諸岩穴他人忌知其所多殺犍牛驢馬以充祭祀墓畢服除其王姓姜蔑

有四大臣分掌國事自古未通

悉立

通典曰悉立在吐蕃西南戶五萬餘有城邑村落依溪澗丈夫以繒絲纏頭衣氊褐婦人辮髮著短裙以蒸報爲俗畜多水牛羚羊雞豕穀宜稷稻麥豆饒甘蔗諸菓死塋於中野不爲封樹喪制以黑爲衣一年就吉刑有別剽羈事吐蕃

章求拔

通典曰章求拔或云章揭西拔本羗種也在悉立西南居四山之內近代移出山西接東天竺遂改衣服變西羗之俗其地延袤八九百里勝兵二千餘人居無城郭好爲寇

太平御覽

卷七百九十八

九

掠商旅患之聞悉立入朝亦遣使朝貢

且末

漢書曰且末國王治且末城去長安六千八百二十里有蒲萄諸菓西通精絕二十里

北史曰且末西田有流沙數百里夏日有熱風爲行旅之患風之至唯老驄預知之卽聚而立埋其口鼻於沙中人每以爲候亦卽壅壅蔽鼻中其風迅駛斯須過盡若不防者必至危斃後魏大統八年其兄鄯善來率衆內附

烏秣

漢書曰烏秣王治烏秣城去長安九千九百五十里田石

間有白草累石爲室民接手飲

師古曰白高山下溪中飲水接連其手也

出小

步馬

師古曰小細步也  
所謂百步千跡也

西夜

漢書曰西夜國王號子合王治呼健水去長安萬二百五

十里與胡其種類羗氏行國

師古曰言  
不着土地

隨畜逐水草往而

地出玉石

後漢書曰西夜國去洛陽萬四千四百里地生白草青毒

國人煎以為藥付箭鏃所中輒死

太平御覽

卷七百九十八

十



太平御覽卷第七百九十八終

吳興陳杰分校

